



94523

天瘦閣詩半 今體

忠州李士棻芋仙

入成都

芙蓉城郭去年遊
綵筆重題五鳳樓
富擁圖書堪敵國
奇憑骨相取封侯
金丹要試紅鑪訣
璧月來尋紫府秋
多少報恩心裏事
青天相對一昂頭

青衫

青衫落落首重搔
檢點奚囊剩寶刀
霜葉打窗風力緊
冰花團屋月輪高
詩含正味分清茗
衣怯嚴寒靠濁醪
香草美人渺何許
一燈相伴讀離騷

天瘦閣詩半

卷三

竹西吟舫題壁

竹林西去路鸞環
半榻琴書屋一間
文字常疑青史借
世情都讓白鷗閒
臨摹畫本重拈筆
懺悔詩名要閉關
手把黃庭經細讀
隔籬流水正潺潺

秋夜

織織新月窺疎林
一桁簾櫳秋意深
賤子此時酌玉笋
美人何處彈瑤琴
青雲路遠耐遐想
白雪詞高宜獨吟
清夢悠揚忽已曙
木樨枝上啼珍禽

水仙花四首用漁洋山人秋柳詩韻

歲寒誰與伴吟魂
消受名花爲閉門
小院遞香風有信

重簾寫照月無痕
攀芳尚記白蘋渚
入夢不離黃葉村
莫道平生同調少
梅兄馨弟會須論

多謝瑤臺一夜霜
凌波都趁好池塘
青冥風響紫霞佩
綠綺琴藏黃竹箱
忽訝清香分桂子
可知高格傲花王
人間煙火渾無味
欲乞靈根種寶坊

一簇新妝幻綠衣
煙鬟霧鬢是耶非
謫來人世春猶淺
修到仙家種也稀
碧落化身明月滿
紅塵回首朶雲飛
硯山側畔屏風角
永夜題詩不汝違

瓣香供養不勝憐
祇恐雲英化作煙
一卷黃庭心澹定
三生白石夢纏綿
美人水調吟何處
仙吏冰銜拜幾年

天瘦閣詩半

卷三

二

金盞銀臺名字好
春風先放鳳池邊

浣心精舍

問却門前十丈埃
此身如在小蓬萊
欲騎蝴蝶凌風去
爲訪梅花趁月來
萬變白雲摹世態
一編青史案人才
玻璃盞底菖蒲酒
破我愁城日幾回

游嘉州凌雲山

眞作凌雲載酒游
不妨三日駐扁舟
眼中峨頂千重翠

足底岷江萬里流
一石尙題箋雅地

郭璞爾雅臺

二蘇未白

少年頭

寺中供東坡子由少時小像龕外一聯有一樓風雨讀書來之句

金山畢現全

身佛終古西天象
教留

秋懷

天水蒼茫海上琴寥寥何處託知音峻嶒空抱神仙骨
慷慨難平壯士心安得大裘兼廣廈每思一飯報千金
杜陵白傅韓侯往肯與前賢判古今
三年京國戀浮名棖觸山林寂寞情攤卷祇宜高士傳
與松曾結歲寒盟幾人憂樂關天下如此盈虧問月明
試爲東坡轉一語不須極貴且長生

奉懷家兄克猷先生

猶記臨歧拜寢門斯須執手黯銷魂勸將靈藥扶衰病
欲挽征衫忍泪痕秋老偏遲鴻鴈信難多空望鶴鴒原
天瘦閣詩半卷三
三
故應緩證菩提果萬里歸來壽一樽

懷伯位山先生

先生眠食近如何遠道相思獨嘯歌日下頗驚詞客少
山中翻覺異人多著書才大名終顯閱世心長氣不磨
曾約北來能踐否黃金臺畔一經過

懷陳儀庭同年

五雲樓閣鳳城隈先後俱從上計來紫殿揮毫磚影度
黃門捧卷漏聲催千金誰市空羣馬一樣同爲鬣尾材
不慕浮榮歸便可故山泉壑勝蓬萊

懷杜海雲

經年去國背親知不見如何不爾思
僞儻一生肩古誼
蒼茫萬里足新詩
秋宵石室連牀處
春雨巴臺祖帳時
枉說文章聲價重
文章曾不救軻飢

都門雜感

曾到蓬萊頂上行
丹臺幾輩驟蜚聲
小詩低詠參三昧
大鳥孤飛諱一鳴
曠代才稀關氣運
名場事幻募躬耕
便應歸飲西溪水
口誦黃庭心太平

恭送座主曾滌生師典試西江乞假歸省四首

洪都持節拜恩新
文運重扶大雅輪
眾論久傳長孺懃
至尊原識仲舒純
天民志事酬今日
海內安危託此

天瘦閣詩半

卷三

四

身用舍公常忘得失
朝評士氣一時伸

立朝風骨重如山
此去匡廬絕頂攀
詩軼涪翁宗派外
身經子固釣游閒
魚龍爭入珊瑚網
桃李應成玉筍班
合有異材支大廈
豫章搜得盡攜還

十年端笏侍明光
遙祝庭闈燕喜長
衣錦偶然歸故里
捧觴重與壽高堂
一門金紫家聲熾
滿地兵戈賊勢張
南服待公籌勝略
捷書早晚報天闈

耽吟何以補蹉跎
耿耿名心漸欲磨
萬里關河爲客遠
三年門館受恩多
憐才直與前賢並
問字還期異日過
及事歐陽眞厚幸
祇慚無力到東坡

游二關同楊海琴何今宋伍松生三大史楊叔通
同年吳秋伊高士

挈侶提壺出郭西平沙遠水覺天低鷺鷥蹲岸看人過
蘆葦吹花與雪迷畫槩靜移波淼淼酒旗斜倚柳萋萋
御河橋上頻來往翻羨漁樵住夾隄

都門秋夕

獨坐虛堂夜氣清乍聞街柝報嚴更十年舊句挑燈和
一片新愁對酒生如我光明惟月色背人私語是蟲聲
塵勞輒作飛仙想何日金丹鍊始成

雜感二首

天瘦閣詩半

卷三

五

霓裳一曲歇新聲報道羣仙謫玉京眞賞已無前輩在
虛名猶與衆人爭神駒千里徒思騁大鳥三年竟不鳴
薄有田廬歸亦好杏花深處事春耕

直須我重物方輕得失紛紛了不驚積毀豈能傷宋玉
窮愁何幸過虞卿著書一寸千秋在爲客三年百感生
夜半巡檐看冷月團圓猶是舊時明

程鈞甫晴槎兄弟招飲

鞭絲斜指酒家樓飽看羣花不掉頭銀燭金尊娛永夜
明星華月擁高秋一時傾蓋成良會四座飛觴詫雋游
來日定開閨喜宴紅箋名字寫風流

秋夕與程鈞甫湯東笙吳瓊樓程晴榭何芸閣蔣
松喬會飲宣武門外酒樓首唱一詩屬羣季和作
花欲全開月欲圓櫻桃傳舍晚秋天齊盟兄弟三生定
下第文章萬口傳庭舞雙鸞臨寶鏡樓修五鳳助蠻箋
他時同詠霓裳曲記取蓬萊頂上仙

陶然亭題壁

日下一亭開九州到門口日有詩流頻來不盡流連意
獨立能生浩蕩愁蝴蝶做酣香國夢蘆花吹白酒人頭
寒沙淺水南窪路搖兀輕車似小舟

稼生師命賦黃花魚

天瘦閣詩半

卷三

六

小隊江湖不喜秋黃花名好趁春收恰逢 帝里重三
節初進 天厨第一頭骨比石堅元氣足味如人淡晚
香留 至尊減膳多恩澤頰尾頻蘇四海愁

東笙將歸山左作詩贈別

半生辛苦爲長句識者寥寥厭者多今日得君同嘯詠
異時傳世不銷磨迷離雲雨侵巫峽澎湃風濤震大河
總是詩家奇絕處杜陵宗派接餘波

惜君歸速我歸遲三載何堪遠別離遼海文章同一哭

天涯知己最相思盈盈酒認消愁物點點花催寫恨詩

試向明湖照秋水鬢邊新白幾莖絲

贈袁漱六太史

庭院蕭閒似隱淪不知門外卽紅塵萬書重校無虛日
一代能傳見此人大動成經世策眼高偏愛不羈身
望洋久矣誰爲導猶喜相從屢問津

宿張酉山同年寓中不寐作

落落乾坤此鮮民不才深媿苦吟身十年行腳無長策
四海關心有故人回想冶游俱是夢欲除狂態便非眞
卽今揩盡英雄淚猿鶴青山訪舊鄰

十月廿一日出都至保陽

三年難避輾紅塵纔出層城氣一新北地尙羈千里馬
天瘦閣詩半

卷三

七

東風來領百花春盡交慷慨悲歌土自謂嶽奇可笑人
漫道栖栖無定所世間誰是自由身

寄東莖山左鈞甫山右

短衣送別國門西歸卧空齋夢屢迷平子愁吟青玉案
山公怕聽白銅鞮香魂栩栩花間活小字惺惺紙尾題
卅六魚鱗一行鴈開函應更悵分攜

懷張酉山同年

經年契濶寄書遲來喜傾談去耐思蕭寺還留聽雨榻
奚囊最賞惜花詩曾將酒德評公瑾

謂翼

能識琴心有

子期屈曲聊爲升斗計文章憎命欲何之

出都留別師友詩十二首

往事如雲過太清三年一鳥不飛鳴世無市骨千金價
詩媿于鱗七子名日下舊聞渾欲補終南捷徑與誰爭
最難忘是賢師友香火因緣骨肉情潘藉且愚翁干
日邊北面豐城叟江上西風故里臺憶別新都排馬去
爲開舊館授餐來瀛洲清切公重上入海浮沉我不才
五夜捫心有餘憾酬恩何路竭涓埃徐稼生師
湘鄉宗伯歐陽子海內龍門一代尊獨抱遺經事堯舜
教吟大句動乾坤思公不見如懷古知已從來勝感恩
惆悵何時趨講席名山風雨得重論曾滌生師

天瘦閣詩中

卷三

八

駐馬還尋臥雪廬虎坊橋北對躊躇家徒四壁羞于世
胸有千秋趁著書臨去更傾燕市酒相思定寄錦江魚
年來好古粗成癖一別先生孰導予袁漱六先生

乾嘉諸老盛當時文采風流儼在茲金石盡收無價寶

丹青何減有聲詩朋樽北海追歡數游屐西山攬勝遲

良會不常人易別憑傳書札證襟期

楊海琴太史秦詒亭楊叔通兩孝廉

名場祇是可憐場過去升沈記不詳謠詠且憑餘子闋

悲歌未讓古人狂山窺真面千峰立月寫明心七寶裝

與說東坡攜酒處凌雲遊興劇還鄉

曾伯卿吉士

于佛經中乍有名四禪天上不無情逢花怕詠傷春句

被酒愁閒度曲聲壯士黃金揮手盡多時髀肉背人生
長安去住非容易便說重來淚已傾

重陽時節雨冥冥一曲霓裳夢乍醒未到送行衣盡白
得逢知己眼俱青花心慘淡東籬菊人影稀疎北斗星

自與諸君揮淚別至今萍梗尙飄零

謂程鈞甫湯東莖
吳瓊樓程晴桂何

芸閣蔣松
喬諸兄弟

帝里風光次第新清游不負苦吟身酒家壚畔停車處
飯顆山頭戴笠人攬勝江亭旬幾度搜書厥肆日多巡
鶯花槃敦淋漓地入夢還應認得真

自笑營巢鳥不如三年流寓九移居一牀圖史無餘物

天瘦閣詩半

卷三

一九

四海知交有報書經世尙嫌才鹵莽謀生都坐計迂疎
故山梅鶴平安否應盼閒雲返舊廬

離筵屢荷故人招褻屣相攜慰寂寥擊筑蒼涼臨別地
銜杯煖熱可憐宵明明花月三春豔渺渺雲山萬里遙
去後思量今日味此生禁得幾魂銷

五湖歸計偶然成帽影鞭絲出帝城三疊陽關催去去
一條來路重行行文章終望扶輪手心力空拋畫餅名
料理十年書再讀異時經術贊隆平

行次保陽歸計頓左僑寓安肅劉大令縣齋作詩

遣懷寄酬都中師友

冠影峩峩賦遠游行藏未信屬人謀命纏箕斗昌黎困
身似鴻泥玉局愁從古賢豪曾御李祇今詞客暫依劉
榴花時節天街北壇坵重尋第一流

蘇軾座主蓉峰師蘇軾拜庫車大臣之命賦詩志別
夙領銀臺典政權新持玉節鎮雄邊八方風雨趨三輔
兩戒河山共一天虎衛初看關塞月麟袍猶染御鑪煙
踟躕門館東風裏忍聽驪歌咽管絃

高人呈座主豐城徐稼生師

人生師友關天性况是恩門感倍深孤進難酬經世志
狂名易負愛才心先生舊識羣中馬小子曾聞海上琴
天瘦閣詩半卷三
十
稽首飯依應未了後身香火尙須尋

懷王午橋學正兼柬楊叔通同年

高人今有王摩詰久不招尋減旅歡畫裏芭蕉應好在
尊前詩卷與誰看牢愁易惹游仙夢瀟灑無如博士官
傳語同年揚補闕見渠一似見君難

周翼庭下禮部第將返保陽因與同游誠園

禮闈新榜斷知聞載酒名園醉夕曛誰省焦桐彈淥水
終看健翮上青雲汪倫惜別潭千尺杜牧傷春月二分
明日短轅芳草路漫天飛絮感離羣

傷心號哭淚洑瀾俄判幽明到蓋棺 慈母有靈猶顧
盼窮人無事不艱難七千里外身孤立二十年來指一
彈却恨鄰雞催夢斷蕭蕭風雪五更寒

林岱青同年贈羊裘一襲副以名筆占謝

已忍奇寒不敢號忽逢良友贈綈袍今冬風雪連朝緊
古誼雲天一樣高衣錦幾時歸故里大裘從此被吾曹
酬君剩有新詩句夜擁青燈試綵毫

病中雜感四首

茶煙半榻鬢絲絲一日從容課一詩造物本來無盡藏
多生當是有情癡折除福分名何用消受窮愁命固宜
天瘦閣詩半

卷三

十一

耿耿元精還自惜形骸土木漫支離

頽然跌坐萬書堆眠食親探客數來身後一篇獨行傳
眼中幾輩不凡材相從憂患交情見爲報平安笑口開
小病何關世輕重諸君高誼自憐才

五年不識帝城春看過唐花幾度新永憶江湖空復夢
酷憐風月亦何因因文章豈足驚當世富貴徒能逼衆人
徑欲登高弔陳迹黃金臺上一沾巾

長吁未了忽高歌哀樂相尋奈若何下士深悲聞道晚
中年漸悔識人多只求身共花無恙安得心如水不波
且息塵勞習禪悅太空一任片雲過

贈南昌傅古民比部兄

儒門淡泊避輕肥，退食從容靜掩扉。與世寡諧人獨立，
經時不見我何依。頻供綠酒催新句，替蓄青錢贖舊衣。
賴有窮交二三子，天涯已覺憺忘歸。

過易次京水部

紹琦

及此良辰手一杯，憑他人海闋如雷。舊家書有寒儒借，
冷宦門無熟客來。朱墨相將讐近句，風塵安得困奇才。
東籬早晚添詩料，看取黃花滿意開。

酬古民兄贈羊裘

一襲羊裘敢拜嘉，故人風義足咨嗟。勞生萬里同行腳，
天瘦閑詩半卷三。主
知我千秋有叔牙，曾典鸚鵡供薄醉。徑披宮錦看羣花，
作書爲報妻孥道。料理寒暄勝在家。

讀家書寄示家人兼酬里中親友十二首

昂藏海內苦吟身，厭踏長安市上塵。一紙家書看鄭重，
五年歸計悔因循。酷耽詞賦工何益，久別溪山夢不真。
異地懷人倍惆悵，祇愁孤負故園春。

親舍遙遙何處邊，松楸無恙鬱風煙。榻來京海七千里，

一別人天二十年。壯志銷磨虛肯構，浮名束縛阻歸田。

錦衣可有還鄉日，淒絕文章表舊阡。

寥寥兄弟泣分離，剪紙招魂無限悲。人說少游真善士，

天哀伯道有孤兒九原不作春風老一夢重逢夜雨知
已矣深恩酬未得故應世世和熏籠

伯兄克猷先生

君如瘦鶴耐長飢我似孤鴻任久飛迢遞關河西望遠
浮沈書札北來稀青燈聽雨詩誰和白晝看雲客未歸
半百光陰一彈指應知四十九年非

仲兄蓮亭先生

流轉殊方得少休天街小住又深秋官微豈復關輕重
客久渾難定去留裁句有時題錦瑟學書無計避銀鈎
舊聞壇坫東南盛覓向蒼茫我欲愁

交徧文星與酒星敦槃連日會英靈懷中刺繡豪門叩

戶外車傳長者停未辦恩仇孤劍在熟知啼笑一燈青

天瘦閣詩半

卷三

三

狂名抵得登科記不羨承明著作庭

青衫憔悴淚汎瀾忍聽琵琶一再彈知已尙愁同輩少

憐才出自少年難梁園結客游應倦杜曲看花夢未闌

亦使旁人私太息梅清雪豔兩高寒

結交豈必視黃金徧數親知感不禁小草一生無遠志

故人萬里有來音青雲前路酬恩日白首名山學道心

此意可憐誰省識桃花潭水讓情深

幾度馳書訪故鄉別來何事最神傷黃墟父老逡巡盡

白社田園展轉荒浮世菟枯渾不定中年哀樂極難忘

爭堪日夜思親友八表停雲酒一觴

白祠陸墓至今留訪古青山最上頭我去幾人乘興往
夢中依舊大江流追思勝蹟難爲客私惜華年易感秋
一幅蠻箋情萬縷憑風吹上荔枝樓

贈別林岱青同年

祖席天寒響朔風河梁頓在國門中他鄉羈旅乾坤窄
異姓交親骨肉同萬里歸程催匹馬百年吾道等冥鴻
五羊城外逢諸好爲報囊詩總未空

歲暮雜感四首

神仙令僕與山林一一蹉跎直到今底用文章傳眾口
且憑花月耗雄心江湖日短懷人遠風雪天寒閉戶深
天瘦閑詩半

卷三

古

獨有鄉愁刪不盡夔門西望氣蕭森
側身輦轂等浮槎五度匆匆閱歲華小病初甦宜謝客
歸期無據怕思家嘔心苦撰驚人句制淚潛看解語花
不覺尊前易惆悵故交星散各天涯

壯年失計以詩鳴媿未成家浪得名兒女暗聞深夜語
風濤寒咽大江聲幾枝紅豆相思物一領青衫太瘦生
費盡才華銷盡福不勝腸斷爲多情

行藏了了百無憂毀譽云云一笑休名畫細量新壁挂
奇書私典舊衣收耽人未可疑羊祜被酒誰能識馬周
莫訝狂奴狂未減半生心跡在清流

過佑卿寓廬

飛鴻爪跡梵宮留，忍向尊前訴舊游。
燕市荒涼斜日短，巴山合沓暮雲愁。
未成歸計慚飄泊，賴有新詩富唱酬。
勿訝詞章妨學道，儒林文苑各千秋。

壽佑卿兼送其赴江西戎幕

小寺黃昏埽雪天，昔曾呼酒賦新篇。
我同蘇子論千古，君作蕭郎定幾年。
遠道風塵催老大，微時兄弟耐留連。
一尊來歲知何處，楊柳離情各惘然。

京邸晤翼庭

南寺聽鐘隔幾塵，尋思上谷劇懷人。
才名計日看題塔，天瘦閣詩半卷三。

卷三

七

高誼連年媿指因，浮世萍蓬無定所。
及時桃李易爲春，期君更上青雲頂。
益信文章果有神。

蠻箋寫不盡，離憂對面真。
堪豁旅愁，金錯刀酬青玉案。
臙脂坡走黑貂裘，瓊筵爛醉千花室。
綵筆高題五鳳樓，一種雄心同激切。
夜闌燒燭看吳鉤。

再晤瓊樓喜贈

折柳橫街手易分，懷人三載獨殷勤。
身羈冀北無歸日，目斷天南有暮雲。
酒座玉山驚再見，歌場金縷怕重聞。
閒來不惜濃磨墨，看寫新詩滿練裙。

與瓊樓松喬酒邊話舊

前塵如夢易銷沉，獨立蒼茫刺骨吟。
謠詠世叢憎土口，窮愁天酷忌才心。
醉傾白酒澆長劍，寒裏青氊護舊琴。
莫道狂迂渾不減，已忘鐘鼎慕山林。

小病兼旬次京數來問訊，并貽長歌，謂予酷喜爲詩，詩債未完，不當便死，重感其意，作此答謝。

竟償詩債死何辭，此日還非債滿時。
無量壽爭名不朽，有情癡比病難醫。
也如僧戀桑三宿，且縱天生筆一枝。
題徧九州吾始去，玉樓長吉漫相思。

太息詩家勢最孤，百年壇坫漸荒蕪。
試看牛耳交誰執，只覺雄心對爾輸。
泥飲舞酣新獲劍，放歌敲碎舊藏壺。
天瘦閣詩半卷三，長留一卷談何易。
大雅輪須併力扶。

乙卯北闈號舍題壁四首

英雄莽莽強爲儒，矮屋重經感歎俱。
一片秋聲過風雨，五更歸夢到江湖。
久拚貂敝麤詞壘，誰略驪黃相酒徒。
漸近中年懷抱減，欲談身世獨躊躇。

浮蹤住近隗臺邊，珠柱艱難耗酒錢。
溫卷肩隨諸舉子，登天目送大羅仙。
都亭惜別燕人筑，樂府思歸蜀國絲。
剩有闈中看月分，一輪看到十三年。

七千人似坐寒窗，各下風簾護夜釭。
一代科名原有數，五經條對孰無雙。
神方換骨丹空授，健筆臨文鼎尚扛。

我替芙蓉私地祝莫教容易誦秋江

選佛場開又此時朱衣莫更點頭遲蘇門方叔慳關節
韓榜宣公領主司南北棘闈辛苦地古今花樣淺深眉
孤寒未敢他途進敢倚文章說受知

聞座主花松岑杜雲巢兩先生嘗對客問藁近狀
甚悉感而賦詩

升沉事過向誰論太息猶聞長者言並世不愁知己少
餘生當爲報恩存風培鵬翼三秋健身傍龍門一士尊
重檢青衫仍欲泣五年前泪尙留痕

乙卯冬以北闈題壁詩爲贊奉謁座主賈相國楨

天瘦閣詩半

卷三

七

筠堂夫子蒙獎慰甚至賦詩志感

賜第潭潭日影遲曉趨東閣坐移時一朝龍袞交公補
四海驪珠情我遺經國文章當世重憐才心事古人知
昌黎枉用書三上不及狂生七字詩

呈房師衍洗馬東之夫子二首

文章知己暗中求屢爨枯桐忽見收豈有東坡迷五色
又從北地計三秋每看青鏡頻含涕終盼朱衣再點頭
桃李滿門新種得春風更爲散材畱

一第登天力偶差祇愁虛擲好年華已乘明月探仙桂
恰被迴風舞落花米貴長安艱乞食書來故里勸還家

摩挲寶劍將誰贈，陡覺雄心十倍加。

讀李杜二公集

李杜堂堂孰並肩，後生懷古見遺編。狂呼東海釣鼈客，老剩南山射虎年。別殿催詩空復爾，清宮獻賦亦徒然。時危家遠身蕭瑟，名乃千秋萬歲傳。

五花馬當酒錢看，醉裏高歌行路難。天子呼來分玉食，仙班謫後憶金丹。英雄早識中書令，清切宜爲供奉官。累葉王孫銷歇盡，輸公不朽占詩壇。

風騷遞降及梁陳，崛起詩王筆有神。亂世篇章成信史，窮途憂患逼詞人。關山莽莽無家別，稷契皇皇許國身。天瘦閣詩半卷三

六

記弔吟魂在何處，武侯祠畔草堂春。兩家壇坫並稱雄，畢竟師承有異同。數典敢忘隴西郡，論詩獨奉少陵翁。一生勳業悲歌裏，萬古精靈想像中。欲起九原扶大雅，茫茫元氣浩無窮。

壽大家宰花松岑師

生繼東坡壽一觴，詰朝東閣會冠裳。六官清要名臣傳，四座英才弟子行。菊部遞聞仙樂奏，梅花飛傍袞衣香。金甌姓氏藏應久，早晚黃麻出紫閭。

勲臣世閱史留青，公更馳聲著作庭。日月文章韓吏部，雲煙圖畫董華亭。東瀛人仰天家使，北斗光分帝

座星幾度量才攜玉尺碧桃丹桂盡芳馨

山公風采四方知五十年來鬢未絲客至共傾新釀酒
朝回閒改舊吟詩每聞佳士思先覩喜接狂生恕不羈
多謝憐才宏獎意焚香畢世禮吾師

眉山門下有青衫何日條冰署妙術得遇成連琴始韻
不逢伯樂馬猶凡錦囊投句珠爲字香案堆書玉作函
願奏鶴南飛一曲年年吹笛叶韶威

乙卯臘月二十二日予三十五歲初度曉起獨拜
坡公小像斐然有作

朝來鳴鳥絮庭柯似報流年冉冉過苦念妻孥懷北地

天瘦閣詩半

卷三

九

自親香火事東坡半生磨蝎占星慣一例飛鴻踏雪多
塊畧眉山門下士文章忠孝悔蹉跎

朝鮮徐友蘭國相海觀郎中申澹人學士枉過寓
齋喜贈

天上朝回過腐儒一時冠蓋塞通衢雲煙入手披詩卷
袍笏從容禮畫圖不恨詞人相見晚始知吾道未宜孤
百年莫忘尊前語文字緣應骨肉俱

肯攜佳句到雞林海上成連對鼓琴乞與矮箋鈔萬本
教同敝帚享千金崔君所撰存無幾白傅之名說到今
不枉燈窗風雨夜半生辛苦費清吟

除夕拜坡公小像

異鄉襟抱暫時開
笠屐圖邊醉一杯
漸覺東風薰小院
欲迴西日駐高臺
祭詩兼踵長江例
餽歲誰如玉局才
更辦棗糕祠九烈
明年柳汁染衣來

自題詩稿奉懷曾滌生夫子

閒極惟將詩度日
吟魂來往自相招
不談時事難爲史
愛賦離憂或近騷
五夜曾叨授衣鉢
百年誰與定歌謠
名山壇坫今餘幾
欲訪成連萬里遙

雜感五首

悵望前賢感不禁
纏綿骨肉見情深
看雲王屋思親淚

天瘦閣詩半

卷三

辛

聽雨彭城出世心
歌哭如聞通短夢
河山相對發長吟
異時吾果居何等
佳傳應從獨行尋

年來毀譽信悠悠
已散狂名次第收
若輩惟當束高閣
此身終擬附清流
千場縱博皆成負
萬卷藏書不暇瞞
心在幼輿邱壑裏
冷吟閒醉更何求

落落交親手易分
索居翻與古人羣
錦囊排日投新句
篝火深宵纂舊聞
莊子叔爲齊物論
陳王善著釋愁文
書生在世何功德
窺盡陳編力枉勤

長記臨歧淚滿巾
書來訪舊亦酸辛
南州從古多高士
東海於今有故人
並世卻愁中外限
論交何異弟兄親

相逢無日空相憶八表停雲一愴神

時得朝鮮徐友蘭海觀兄弟書

墨池濃放筆花雙拂拂春風到小窗攤卷眼如明月對
臨文心爲古人降九歌幽怨懷吟澤六代清才數過江
我自長謠消積感候蟲時鳥本無腔

贈何夢廬同年

并州遊後更遊梁遠信郵來墮杳范文采誰能救奔走
鬢絲我已雜青蒼一朝會合猶疑夢百念消磨只剩狂
把酒燈前俚影坐莫傾熱淚話名場

題夢廬雙美圖

披圖一樣歎沉淪風絮雲萍未了因居士有情難入道

天瘦閣詩半

卷三

三

美人無語獨含顰黃金結客家隨破紅粉憐才意較真
我亦善愁工恨者欲從圓澤問前身

寄懷內子

一別金閨動七年夢迴清淚獨潛然人間何物非吾累
世上惟君最我憐強報平安嗟信阻難籌婚嫁任期愆
西歸誓及寒梅發舉酒花前對月圓

視夢廬疾兼以自警

不辭風雪過君談安否餐眠細細探舊識雲英空絕代
新供彌勒與同龕百年彈指如朝暮四海傾心只二三
且置清尊勤買醉火爐紅射醉顏酣

酒旗歌板百花枝禪榻茶煙兩鬢絲一病怕成無用物
半生悔作有情癡名心濃向空中盡世態紛從冷處知
忽忽夢回發深省人天同證曉鐘時

懷松江太守袁漱六先生

曩日推袁我最能追陪寢久得師承曉窗試筆分鈎帖
夜榻論文對翦燈厚價爭收書萬軸高吟賭醉酒三升
一麾江海連年別傑閣同誰得再登

王澤山同年見贈七律讀之感歎謹如其數賦答

詩壇高築瞰中原獨聳吟肩傍酒尊長嘯每驚孤月墮
短章亦挾怒濤奔故應猛士如龍虎難得殊方有弟昆
天瘦閣詩半

卷三

五

文字較輕風義重此情同與古人論

王李分馳七子名蕭條異代各含情可無文采追前輩
或有精靈相後生海內遺編隨處覓卷中佳句使人驚
力親風雅惟君共鍾呂千秋主正聲

投閒聊作苦吟身無地陳書動紫宸捫蝨喜談經世事
騎驢誰識謫仙人頻年流轉游初倦中夜悲歌氣不馴
歸去浣花溪上路移家當結草堂鄰

新詩慷慨觸愁腸醉墨淋漓寫報章孤枕擁書千帙亂
小樓聽雨一燈涼花前錄別人無幾佛處稱尊我亦狂

炯炯寸心輸不盡宣南高詠立蒼茫

贈何鏡海

十二雲屏護曉窗，打窗春雪玉琤琮。
梅花開處如儂瘦，蝴蝶飛來與影雙。
不得意人詩易好，最銷魂事酒難降。
紉蘭亦有靈均賦，自續離騷夢楚江。
燕市高歌意氣傾，肯尋屠狗話平生。
文工不入登科記，詩好如聞變徵聲。
騷客心從香草見，狂奴名付玉人評。
貧交合有重逢日，不用臨歧淚滿纓。

書懷

茫茫欲問有情天，訴盡窮通總寂然。
于世界操何術進，著書難定異時傳。
會須放浪于場醉，別覓飛行一種仙。
天瘦關詩半卷三
我是莊生工作達，寓言十九散雲煙。

仲冬九日內子初度賦詩遣懷二首

閨中良友歎離羣，久失挑燈述舊聞。
遺我音書虛錦字，看人夫婿半青雲。
剖殘蓮子心俱苦，開徧梅花手屢分。
今日天涯風雪裏，一尊遙壽魏城君。
一領儒冠累此生，青山空約汝同耕。
私揩鸞鏡窺無影，獨擁牛衣泣有聲。
末路榮華勞想像，貧家薪水費經營。
歸期錯迳誰能卜，總悔當時賦北征。

寄酬朝鮮李錦農徵士

飛夢連宵到海天，曉驚尺素墮樽前。
淒涼異域風塵色，

鄭重他生骨肉緣窮坐攻詩同我癖老羞于世得誰憐
著書差喜名山在東北相望兩謫仙

寄酌朝鮮徐秋堂進士

雲海相望幾湖洞漫勞書札寄燕臺姓名雷動三韓國
詞賦天生八斗才倚馬時時揮綵筆看花往往擲金壘
中州朋輩多豪傑早晚期君秉節來

寄酬朝鮮趙蘇堂鴻臚

萬里書來鄭重看神交不隔路漫漫豐山鐘爲清霜動
大海琴同淥水彈佳句流傳中外徧才人會合古今難
一尊他日論文酒攜手親登李杜壇

天瘦閣詩半

卷三

五

寄酬朝鮮徐菴坡國相

高軒曾枉屢經過祖席春風送玉珂數去舊遊成噩夢
寄來新句動悲歌天邊明月團圞少海外才人契濶多
欲酌君家老樞密

友蘭先生

黃墟終古剎山河

輓朝鮮徐友蘭國相

三載分張百感侵俄聞絃斷伯牙琴麟符使者空相憶
鶴警仙人杳莫尋世上榮華君一夢天涯蕉萃我孤吟
海山兜率歸何處淒絕招魂淚滿襟

奉和稼生師見示原韻

文酒追陪漏下三春風坐處興俱酣十年華屋依辰北

一代高名仰斗南，爆竹飛聲驚里耳。
燈花留影伴清談，自慚賜也何如器。
拂拭還同玉產藍，帶履薄詩重有感薄詩。

觥船猶記舊題詩，薄倖無端似牧之。
世事那堪蛇畫足，人生翻悔豹留皮。
每看青鏡傷憔悴，懶捉紅綃訴別離。
多謝春風吹夢斷，桃花空發去年枝。

得周翼庭昌樂縣書，因念舊游兼述近狀寄答。

天涯去住兩無端，往事曾悲行路難。
強策疲驢投上谷，仍攜襪被入長安。
南州下榻塵頻掃，東道分餐缺不彈。

今日思量倍惆悵，誰憐范叔比前寒。
荆涼市對題載

天瘦問詩半

卷二

一

麤繒大布一狂生，風語華言四座傾。
償就市墟謀薄醉，久將畫餅視浮名。
寄書天末人無恙，斫地燈前劍有聲。
知己寸心忘不得，側身東望若爲情。

去年九日與杜芳洲同游天甯寺看菊，今年矣。

感而賦詩

相逢時地總難忘，佳節何期到上方。
出郭叢蘆千頃雪，繞籬寒菊萬枝霜。
滿頭須插人如畫，笑口能開月幾場。
載得盆花歸較晚，一鞭斜照入城忙。

再晤韓子千大弟，命酒徵歌賦詩屬和。

燕市悲歌有故交，相逢那忍暫相拋。
升沉局裏邯鄲枕，

聚散因中大海泡，太白玉山驚我倒。小紅金縷泥人教，明珠照眼花圍席。麗句吟成十手鈔。

書感

萍蓬漂轉失歸期，坐損容華鬢有絲。富貴不求人欲老，貪嗔未盡我猶癡。浮名在世媒諛謗，噩夢連宵雜喜悲。早晚抽身輟塵裏，家山萬里訪峩眉。

寄懷陳子餘

相逢塵海各匆匆，未盡平生塊壘胸。一別腰圍驚頓減，三年手札感頻通。雲萍風絮合離幻，塞馬濠魚悲喜空。旅館宵燈猶夙昔，照人飛夢過江東。

天瘦閣詩半

卷三

三

贈別李載庵四弟

連年師友手頻分，忍向天涯更送君。冀北一尊違舊雨，江東千里見還雲。垂楊驛路含情遠，春草池塘入夢勤。記取歸來娛歲晚，梅邊同醉雪花紛。

奉和廖韻叔見贈

多謝詩翁琢句新，似憐臣壯不如人。一邱一壑歸殊晚，爲蝶爲周夢儻真。縱酒幸逢燕市俠，看花輕負洛陽春。他時相憶知何處，桂海滇池萬里身。

東澤山同年

燕郊同調苦無多，樂與王郎一再過。天馬籥雲出西極，

黨人冠蜀有東坡飽間衆口工謠詠剝遣雄心入嘯歌
滄海橫流吾道在百年風義肯蹉跎

都中贈別柳諫墀師回里

異鄉師弟忽臨歧貧賤無妨怕別離劉子傳經公漸老
阮生失路我何之十年未辦酬恩地一第應償再見期
歸向里中親友道停雲天末苦相思
風雪長安耐歲寒居原不易去尤難酒招燕市酒人醉
詩付雞林詩友看白社未歸空結客黃金散盡嬾求官
他時倘許登華省敢忘先生苜蓿盤

教習期滿行將出都還蜀留別雜詩十六首

天瘦閣詩半

卷三

一毛

閱世渾忘行路難幾經憂患尚追歡山中桂樹誰招隱
湖上蓮花合拜官得句半因愁醞釀傷春只算夢團圞
不如人處吾能說富貴浮雲一例看
呵筆逡巡試問天謫來三十五華年顛張世謬推書聖
狂李人俱喚酒仙貧到一錘無地立富爭萬戶有詩傳
不須寂寞論身後名著當時亦偶然

不才閒過聖明時慚負中朝舊匠知四海賞音公最早
十年聞道我偏遲叨趨絳帳思前會盼附青雲指後期
獨立蒼茫無限感大江東下日西馳

徐稼生師

瓣香自拜南豐叟汲引寒儒喜不勝佳句每教追謝眺

大科兼許繼王曾置身夏屋千間廣回首春風百感增
今日有公天下福摩崖早晚頌中興

曾濟生師督兵江西

多謝憐才薦子雲秋風落葉不堪聞題名強入登科記

行卷誰收下第文早識筌蹄為世棄惟應筆硯避人焚

一編劄劄終何用清俸徒勞長者分

乙卯中式北榜旋因額滿掣置副車

房師衍洗馬東之先生為代刻疏卷

埽除形迹見精神如水論交淡倍真晏子與人能久敬

鮑生知我豈長貧百年風義先賢傳一代文章大雅輪

斲別青門萬里遠重逢自首幾回新

傅古民曾伯卿賀幼甫梁南洲高雲

飛王澤山諸兄弟

天瘦閣詩半

卷三

系

蟠根仙李小將軍長劍輕裾故不羣四座琴樽常召客

一家骨肉恰逢君晨星此日看孤映夜雨他時怕獨聞

去去池塘應入夢夢吟春草寫殷勤

李載庵兵部

文字緣深果有神忽逢東海幾詞臣君應宿世崔供奉

我豈前身白舍人雙管鈔詩紛滿帙一尊和淚黯沾巾

今生良會殊難再準擬來生共結鄰

朝鮮使臣徐薊坡海觀申澹人李錦

農趙蘇堂

騎驢兩出國西門離合無端湧泪痕一第自知吾有命

三生曾為汝銷魂迂疎久恕狂奴態顧盼猶銜宿昔恩

來日大難居不易拚教死別了情根

杜芳洲

興闌回憶舊繁華，贏得清狂計已差。
信誓幾回貽雜佩，靈光一現失曇花。
中年哀樂須陶寫，末路英雄半狹斜。
今日茶煙輕颺處，鬢絲禪榻送生涯。

秋影庵

黃金虛牝擲匆匆，不學昌黎送五窮。
拔劍時爲斫地客，忘機自號信天翁。
道逢遊俠車爭下，市有豪門刺繡通。
除是梅花耐冰雪，歲寒能得幾人同。

旅食艱難不復論，五年賓館歷朝昏。
書堆萬軸花爲壁，酒醉千場月滿軒。
欲去似成垂老別，再來應掃舊時痕。
鸞飄鳳泊渾無定，一任模糊爪迹存。

蘊和店

凌雲逸氣几蟠胸，落拓甯工悅己容。
在世零丁獨活草，天瘦閣詩半

卷三

无

此身偃蹇後彫松，堅持迂論難諧聽。
陰相畸人儻許逢，看慣世情姑一笑。
羊公鶴與葉公龍。

幾從海上鼓瑤琴，牙曠寥寥響易沉。
萬事故應行我直，一生誤在信人深。
蛾眉謠詠憎茲口，犀首流連醉此心。
且脫名職息塵鞅，是非宜不到山林。

故園生計日衰微，陌上花開勸客歸。
忍墮驂騑千里志，倦看雕隼九霄飛。
吳中畫像思團扇，海內詩名起布衣。
行矣溪山落吾手，到時先訪釣魚磯。

一官如贅萬緣輕，出處商量對友生。
幾見散材圖有用，徒聞大器歎無成。
關河細踐來時路，詞賦空留去後名。

詩滿錦囊書滿篋歸裝應使里人驚

東胡練溪同年

良友經旬一過存城隅執手黯銷魂看花俠少空聯騎
種菜英雄合閉門冷閱滄桑仙有淚虛談因果佛無恩
何時歸趁團圞樂爛醉山家老瓦盆

贈方子聽

醉倒黃墟日又曛纏緜話舊手難分夢中蝴蝶初非我
嶺上梅花卽是君書抵家珍裁錦裏畫逃劫火買香薰
平生事事俱凝絕合有狂名四海聞

小寓題壁

天瘦閣詩半

卷三

一

強逐時趨入舉場槐花應亦笑人忙少年一去那能再
舊卷重温殊自傷苦戀科名遲仕宦亟伸福命託文章
試揮觀象臺邊筆織得天孫雲錦裳
忍說長安不易居十年生計墮孤虛僕頑渾似調生馬
囊澀猶思購異書酒賦琴歌空跌宕米珠薪桂費躊躇
惟餘長者經過密門外時停薄笨車

飽識人間行路難牢愁往往奪清歡交親可奈河山阻
文字常將骨肉看世態如雲俄變滅我心與月總高寒
零星舊藁無多在海客殷勤許校刊
徐海觀李錦農書
來云將刊行予詩
坐招百病總由愁何止嵇康七不堪世路讓人趨捷徑

山居容我署空庵二親已逝生誰養五嶽能游死亦甘
早晚去投香火社前身原是一瞿曇

東周玉年

經句不見嬾相尋形迹能忘心始深宜及盛年攻樸學
喜從孤客寬知音愛君甘作他山石與我同爲躍冶金
欲醉天橋酒樓酒洪黃醉魄可銷沉

寄示文琮文琛兩兒

十年隔澗家人面尙滯京塵未得歸深悔求名吾已誤
極憐失學爾何依幾時白社投身去他日青雲接翅飛
看取古來憔悴士多應後嗣發春暉

天瘦閣詩半

卷三

三

贈李眉生同年

才調縱橫入雅馴並驅漢晉躡梁陳凌雲一賦工無敵
倚馬千言速有神經世文章不朽業大家宗派謫仙人
自慚櫪馬空思騁望見驂駟歎絕塵

酬玉年老弟

愛聞才語活天機時有君來叩我扉十載狂名悲杜牧
一篇孤憤借韓非貪傾濁酒壺常佩愁對涼蟾泪暗揮
試取楞嚴低首讀天花那得更沾衣

贈何夢廬

愛君風雅絕常倫落筆千言力掃陳壽世名逾登第豔

看花福配擁書親，夢移巫峽思神女。目斷秦雲憶美人，
一樣情根渾不剗。年年刻意爲傷春，將夢寄與春風
怪道新詩字字佳，卷中多是賦風懷玉關人。遠和愁赴
錦字書來有淚揩，綺語任爲文體類。狂名合與世情乖，
維摩一榻蕭條甚。欲乞天花散小齋。

年來贈別吳子漁同年

寥天黯淡見歸雲，國士臺西日欲曛。知己半生孤鮑叔，
文章連歲泣劉蕡。長途雨雪身須惜，祖帳琴樽手怕分。
此後相思兩愁絕，絕寄書重與寫殷勤。

小別酬王石甫留別之作

天瘦閑詩半

卷三

五

小別淒其似遠遊，臨歧駐馬盡綢繆。少年詞賦白團扇，
曠世仙人紫綺裘。風雨對牀詩味永，龍蛇滿幅墨緣留。
重來好共嫦娥語，玉宇銀蟾桂樹秋。

送方子聽弟出關爲人作記室

年來交舊似晨星，散置遙天跡不停。謾世心情徒有恨，
投時文字總無靈。燕關君踏千重翠，蜀棧吾摩萬仞青。
一爲飢驅一遊倦，欲將何計免飄零。

偕佑卿送朝鮮任荷漪尙書於玉河行館

不知再見是何方，更向旗亭盡一觴。萍梗浮生任飄泊，
風雲奇氣久低昂。五年韓孟投詩地，千載荆高擊筑場。

願結後身香火社，莫將大夢付茫茫。
疊韻再呈荷漪

後夜思君已各方，及時猶得倒壺觴。
梁間月落魂應斷，海上雲飛首一昂。
各指髣毛趨老境，悔攻詞賦背名場。
他年投劾歸田里，過去繁華墮渺茫。

清明感懷

十年客裏過清明，日暮愁聞野哭聲。
孝子慈孫空復恨，高天厚地若爲情。
風光黯淡辜佳節，人事依違惜令名。
且向殊方勤制淚，吳時歸去灑先塋。

贈別周子謙進士

天瘦閣詩半

卷二

五

一城咫尺少經過，翻向臨歧喚奈何。
北里鶯花思命酒，南宮風月豔登科。
迹疎何礙心堅固，名盛誰云福折磨。
歸謁窳翁投遠信，爲言壯志日蹉跎。

寄上李宮詹西漚師

石室先生古大儒，早投簪組臥江湖。
經師海右孫明復，文苑河東柳仲塗。
壁立誰摩千仞峻，火傳親受一燈孤。
遠遊徒結名山夢，何日歸尋薺草廬。

贈別易次京刺史之官蜀中

京洛論交骨肉親，縱橫才調更無鄰。
珠槃狎主金臺社，繡蓋行頽錦水春。
遠客臨歧如夢寐，名流作吏豈風塵。

他時歸託賢侯宇記取蒼生是故人

贈吳秋伊兄

落拓江東老布衣廿年無計穩南歸
篋藏金石初刊本夢繞湖山舊釣磯
世上輕肥久厭薄佛前香火勤皈依
殘書堆案不能快時賦小詩深掄扉

對門晨夕便經過七八年如一剎那
得句亟稱狂太白談禪能愈病維摩
閒尋瑪瑙前朝寺亦走臙脂舊日坡
君尙食貧吾未達蒼蒼其奈兩人何

贈勞亦漁

履綦常接萬書堆忽枉敲門笑口開
江漢幾年悲轉戰

天瘦閣詩半

卷三

一

雲霄諸老諱憐才且將憂思供詩料
贏得清狂泥酒杯君看古來百官志
高官能否到鄒枚

送古民兄聞訃歸南昌

不圖分手是今辰予于河梁幾故人
風雨八年交有道雲龍一別世無鄰
麻衣君哭慈親墓墨綬吾趨下吏塵
此豈當初先料定天高難問轉傷神

去住無憑爲一官旁人未免笑儒酸
亦知富貴還鄉好其奈疎慵涉世難
眼底朋儕俱抑塞夢中妻子尙團圓
名心垂燼歸心熾說向君前泪迸彈

感懷四首

不善謀生世笑癡吾窮豈盡坐攻詩黃金何物偏難致
白璧從來不可爲恆產僅誇書滿篋閒心多付酒盈卮
江淹枉賦茫茫恨誰解流傳絕妙詞

儘憑憂患送流年嬾把升沉問向天酒半輒爲柘枝舞
花時爭喚海棠顛名能折福甘分謗熱不因人恥乞憐
盍往釣鼇東海上一竿風雨換吟鞭

上追甫白下蘇黃河嶽英靈儼一堂我輩榮枯隨草木
古人功德配文章晚年身作江湖長曠世名爭日月光
孱弱小儒思尙友舉頭寥廓永相望

釀愁天氣總迷離獨倚闌干薄暮時微雪乍隨殘葉下
天瘦問詩半

卷三

一

閒雲故傍晚花移才人命困鄰箕口禪榻年深指髻絲
安得埽除煩惱盡焚香晏坐百無爲

寄懷吳拜亭明府

草綠湖南路幾千思君不見又三年酒徒漸散吾仍客
眞頌遙傳吏是仙明月長天聞雁過春風喬水報鶯遷
時危努力成佳政早晚看花到日邊

送方雲侯弟往粵東省覲

西風滿眼斷蓬飛君去彌憐我住非江左夷吾三戰北
洛陽季子一身歸傷離未忍分吟袂上壽還應舞綵衣
他日寄書途更遠相思惟有淚交揮

冬夜不寐

颯颯寒飈襲曲房
蕭蕭落葉響空廊
短檠翳壁迴餘燄
殘菊欹瓶駐晚香
砌下涼蛩如欲語
天邊鳴雁可成行
此時孤客眞愁絕
絕滴斷銅壺夜未央

稼生師招同張香濤解元楊子恂舍人對菊飲酒
一樽乘興醉東籬
佳日高齋接履綦
弟子來陪無事飲
先生心與此花宜
中年絲竹升沉澹
並世雲龍上下隨
冷局相招娛晚節
九衢冠蓋任紛馳

莊少甫刺史由蜀久覲將赴蘭州補官與予同寓
正陽門外旅舍時予小病兼旬雪中君爲予作畫

天瘦閣詩半

卷三

三

獨多撰句贈別情見乎辭凡五首

十年讀書久知名
意外相逢喜且驚
交厚過於前識友
官貧猶是舊書生
酒分鄰甕停杯待
雪滿天街借屐行
一種坦懷人不及
最嶽奇處最和平

石谷南田併一人
力追前輩更無鄰
山川莽莽動遙勢
花竹欣欣生冶春
萬紙流傳名滿世
卅年成就技通神
畫家清福平生欠
不得從君細問津

苦憶西溪舊釣磯
年年流水岸花飛
忽逢妙手圖鄉夢
勝檢神方解病圍
禪榻支頤清不寐
晴窗潑墨憺忘機
矮箋長幅充行篋
早晚眞成載寶歸

頻年謀著遠遊冠未有歸期淚闔彈閱世漸深思入道
謀生無術且求官在山泉其名心冷出岫雲將倦眼看
幸是聞君談治譜異時清節儻能完

匆匆折柳過旗亭馬首西歸去不停燕市酒徒同日散

秋伊兄
同往

涼州樂府到時聽畫圖便算留鴻爪書札毋忘

繫雁翎太息吾儕何所似飄飄大海幾浮萍

贈別秋伊

惜君垂老走關河無怪臨歧熱淚多未死尙思重會合
此生何事不蹉跎憐才易作傷心語論事常干弩目訶
豈復尋常師友誼故應骨肉不能過

天瘦問詩半

卷二

一毛

李公步墀守戎殉節粵西事在道光丁未十月癸
自癸丑冬獲交載庵騎尉卽讀所徵詩文前後刻
本今春莊少甫刺史作梅溪殉節圖載庵裝治成
幅乞曾太守省三賀孝廉良貞分書各體文而以
諸家詩律授棗書之書旣竣謹撰一詩附書左方
用託不朽

舊卷新圖鄭重開招魂寥廓有餘哀陰符早讀參兵法
殺運方興失將才單騎倉皇衝矢石亂山合沓股風雷
此時不作生還想萬古名從一死來

贈梁南洲四弟

家無弱弟客無鄰與子論交分外親萬里關河行役遠
八年風雨往來頻燈前舉酒酬佳節囊底搜金潤旅人
同是少年同未遇一回話舊一酸辛

大招

茫茫百感逼魂銷泣向西風賦大招死伴精靈應有分
生牽煩惱鎮無聊十年旅食形容老萬里鄉心骨肉遙
流水高山琴久冷賞音今日更寥寥

贈趙韞山兄

後來交際縱多賢耐久朋惟子最先蜀國舊遊如昨日

粵天老友別經年

李春園兄

白衣落拓風塵下青眼高歌酒

天瘦閣詩半

卷三

三

蓋前預想還鄉仍把晤何時征旆指西川

留別載庵弟

十年無計去長安君爲子謀勸赴官交久不忘平仲敬
情親直作子由看山重水複王程遠雨覆雲翻世事難
曾約南歸應早決出門天地自然寬

留別杜芳洲

去門十步邈山河更欲回車奈若何死別可將生別例
壯年深惜少年過江州白傳千行淚京兆何郎一曲歌
緣分尙思來世有天涯良會豈無多

留別幼甫弟

初終能保寸心堅豈復尋常一輩賢
言語到君忘忌諱
飢寒投我賴周旋
名園春老看花醉
矮屋秋深聽雨眠
舊事分明猶在眼
更爲後會定何年

留別崇珊弟

海王村畔一書生
年少風規劇老成
念我遠謀升斗俸
因君益重弟兄情
黃金安得籊能滿
白首當如蓋始傾
中外故人音問密
尙煩頻寄豫章城

留別高雲飛弟

看攜書劍別京華
執手還停陌上車
百歲瞻依君有母
十年行役我無家
終身膠漆金蘭簿
滿耳笙簫玉樹花
天瘦閣詩半
一段酒人歌
哭地那堪背面卽天涯

卷三

五

出都雜詩

平生自揣不宜官
未免詩人骨相寒
世路經行隨處險
儒門澹泊此心安
王維別墅川名輞
李愿幽居谷號盤
我有舊廬溪水上
日歸長把釣魚竿
久廢青山上塚期
吾親如未有斯兒
高天厚地恩何極
春露秋霜心益悲
十載那堪恆產落
一官敢謂令名貽
歸當息影松楸下
生死瞻依無盡時

憂患能令壯志銷
年來蹤跡極飄蕭
美人遲暮生孤憤
孰友淪亡泣大招
白首著書千古邈
青山入夢一身遙

試看奔走風塵者始覺林泉福分饒

偶題獨立榜吾樓便有蒼茫萬里愁墮溷飄茵愆夙命
呼鷹躍馬失前游恩仇未報難言俠婚嫁頻催不暇謀
再假數年天或許奇書讀到死時休

銅雀臺

荒臺指點隔寒雲漳水茫茫日易曛枉學爲新邀九錫
竟移全漢作三分祇今寫恨無遺瓦終古傳疑有亂墳
想得癡魂還戀此西陵歌管夜來聞

天瘦閣詩半

卷三

甲

題詞

年

古

保

七

陽春

再題

天瘦閣詩半

卷三

甲

天瘦閣詩半

今體

忠州李士棻芋仙

南昌旅舍病中雜感

庚申十月初到南昌

十載高吟動帝城一官遂削舊詩名
悲歡已悟前塵幻寵辱俄從末路驚
事到難言惟有淚身將安往欲無生
眼中不少憐才者半是當年阮步兵

天涯薄宦等萍飄卧病江城鬢髮凋
壯志轉辜多事日羈魂長耐可憐
宵窮愁豈盡由詩召塊壘誰云得酒消
刻意思歸歸未準關河風雨莽蕭蕭

寄呈湘鄉師

天瘦閣詩半

卷四

一

十年旄節領諸軍轉戰東南靖寇氛
隻手艱難扶日月羣材合沓赴風雲
令嚴壁壘唐光弼功在河山宋允文
聖主中興公作頌捷書先遣萬方間

一出春明氣不揚摳衣猶記昔升堂
忍拋壇坫千秋業來閱魚龍百變場
見面期因多故改酬恩心到甚時償
別公日久詩無力認是家書急就章

春暮書懷

眠食姑調無用身杜門喜與舊書親
悔從薄俗求知己苦覓幽棲類避人
時事總多新變幻天心終護舊清貧
昨非今是何須較野性由來便隱淪

窺園樹底有殘紅禁得連朝雨又風粲賦從軍才向盡
潛悲乞食道將窮空思一卷留文苑預製雙棺作殯宮
不合時宜欲誰合未應冰炭置吾胸

自彭澤卸事歸贈梅庵詩僧

宦途揮手訣風波比似冥鴻脫網羅歲月擬從僧臘借
英雄晚傍佛門多畫看稚子工游戲詩與高人細琢磨
却念征南吳半畝

竹莊

干戈滿眼憶頭陀

書感

去年今日醉江干元亮思歸正解官故國田園餘想像
殊方骨肉倚團圓吹笙未信成仙易指月惟愁見佛難

天瘦閣詩半

卷四

二

所願舉家無疾苦藥錢願與買書看

奉懷湘鄉師相

辭官始有讀書年相國原分造命權八百孤寒惟我甚
一生文字託公傳思家元亮荒三徑度日端明挂百錢
爲報旅中眞寶狀梅癯鶴瘦劇堪憐
藥裏關心役一身皇皇無計免勞薪啼烏夜警他鄉客
修竹天寒絕代人殊幸息交逃毀譽亟圖聞道長精神
絳紗帷影紅蓮府早晚追隨忝後塵

同子良恬生飲新豐酒樓

遠訪墟頭似出城街泥滑滑屐聲聲酒徒盡帶幽燕氣

我輩甘居飲食名風雨撼樓天
忽夜江湖滿地路難行
衣裳沾溼歸來晚口腹累人殊不輕

酬老良廉防兩先生

分無傑句敵長城
往往悲歌答徵聲
燕市荆高爲伴侶
唐家李杜不科名
一編未是安身處
四海誰容掉臂行
多謝名流私印可
尙愁文士善相輕

和素園見酬韻

一語彌傷吾道孤
未應投筆是良圖
累牽妻子難充隱
貧售琴書悔作儒
營事追思千歎息
狂奴相對一歌呼
近來時勢尊魚目
無怪塵封大寶珠

天瘦閣詩半

卷四

三

奉懷稼生師

甘泉侍從歷三朝
六十平頭鬢漸凋
京洛深居避簪紱
江湖舊侶狎漁樵
蓼莪篇有諸生廢
桃李陰連四海遙
垂老未應忘用世
眾知劍氣尙干霄

寄懷廉舫先生

尋常文酒慣淋漓
藥倦齋中接履綦
執手頓驚千里遠
讀書方悔十年遲
林間烏鳥淒涼色
地上麒麟駭裏姿
準與詩家爭割據
蜉蝣撼樹埽羣兒

寄懷王霞軒太守

高燒銀燭照離愁
午夜清尊共拍浮
東道主人三老健

西風落木一天秋新詩合入題襟集遠夢還陪載酒遊
他日秦中開府地看公旌節取封侯

寄懷楊素園兄

南州錄別劇傷神盼得書來重歎呻利器果從盤錯見
交情翻較弟兄親何時尊酒轟吟社如此烽烟阻去津
元老憐才工品目謂君珠玉不繙磷

仲兄蓮亭先生自里中來皖上

四千里外嗟予季十五年來見阿兄仕宦轉添身上累
別離倍愴病中情那能書聽癡兒讀空歎歸無寸土耕
夢寐松楸吾已久煩君亟爲掃先塋

天瘦閣詩半

卷四

四

稼生師奉諱南歸道經皖口枉過再三垂示篇什
讀之泫然謹成四律志別

三年前出國西門馬上青衫湧淚痕從仕尙難諧世故
讀書終望答師恩廁身京邸忘飄蕩戢影江城感過存
此會豈由當日料永應草草把離樽

靜拚篷窗哭母時春暉小草報云遲論文淚墮瀧岡表
望古心傷陟屺詩一代令名無媿色終身孺慕有餘悲
焚黃猶得光泉壤忠孝能兼世有誰

艱難身世久相關狂態重教併力刪欲挽扁舟千日駐
不投筵徑一官閒潛鱗族弱依滄海倦羽巢空戀故山

皖水章江衣帶耳思公尙幸易追攀

荒江風緊浪沄沄可得移舟傍鷺羣東閣敦槃新舊雨
西山猿鶴去來雲傳經寂寞鄰中壘誓墓蒼涼輩右軍
目送歸帆帆更遠大觀亭外立斜曛

齋題馮魯川微尙齋詩稿

年時同醉青門月忽漫相逢皖口春畧似飛鴻留指爪
屢聞騎馬犯煙塵杜陵忍賦潼關吏曩遂能馴渤海民
官職漸高詩恐少豈如京秩號閒人

書余湘鄉師相爲書昌黎伯夷頌巨幅賦謝

鋪几麥光丈三尺臨池不易墨難磨名言古澹求銘座

天瘦閑詩半

卷四

五

老筆縱橫試擘窠四齋文章李北海二王宗派趙鷗波
書家他日論眞迹獨有侯芭什襲多

白晝夜不得睡默成一詩

卅年溺苦篇章裏月露都成過去緣近戲綺言除口業
欲崇樸學叩心傳工夫須信無多子名士眞能值幾錢
試看冲虛談力命靈均何事更箋天

贈趙惠甫

平原公子四君首姑射神人一代稱樸學名家疑有黨
長才經世託無能文驅江左方姚體禪叩華嚴大小乘
諂曲衆生吾亦恥道場端用直心承

晚上感懷

不能鐘鼎不山林
穎上徘徊直到今
亂後收書增厚價
貧來求仕肯初心
親友凋零更聚散
江山寥落畏登臨
新詩往往無人和
濁酒時時一自斟

奉贈吳竹莊方伯

飛將軍是老詩翁
口似懸河氣吐虹
白舫青簾來晚上
高牙大纛鎮江東
篋中書視千金橐
園裏花藏半畝宮
疊韻萬言俄頃辦
蘇黃無此捷神通
十年結客荆高市
流落江湖兩鬢絲
吟社有公如敵國
長城何日下偏師
雲泥隔濶切存問
珠玉駢蕃荷贈遺
天瘦間詩半
卷四
六
欲學陳遵投轄飲
一庭晴雪照鬚眉

贈莫子偲

卅年流譽滿詞場
湖海交遊盡老蒼
學海世推黔幟志
薦章今許古循良
篆書突過當塗李
詩格兼摹雙井黃
一事笑君慈勝我
陳編敝篋侈收藏

贈徐懿甫

替求靈藥檢方書
城北徐公昵就予
樸野衣冠疑釋老
荒唐名氏乍樵漁
青燈照睡新吟澀
白社思歸舊業墟
叅破南華前夢否
莊生栩栩蝶蘧蘧

贈姚慕庭時將赴湖口縣任

一街前後易招呼亦號詩流亦酒徒冷談論交心不轉
迂疎涉世氣常孤叔餘厚價求先集江上空城瞰大湖
祇恐到官閒日少朝吟暮醉與誰俱

贈黎蕤齋

賦材雄鷲起黔中一日聲名達兩宮杖策欵關來鄧
禹上書言事效陳東聖朝受諫包容大元老旌賢禮
數隆應副希文期待意秀才憂樂古今同

呈湘鄉師

門館無私誅蕩開九州章布日趨陪默參黃老迴元氣
不薄王楊鑄異材天下文章今在是淮西功業盛於裴
天瘦閣詩半

卷四

七

濡毫亟草中興頌納納乾坤首重回

贈漁父

一葉扁舟載一身新銜準擬謚元真風波看慣成平地
將相歸來結近鄰越絕書中辭劍客靈均賦裏濯纓人
五湖范蠡無尋處烟水茫茫獨問津

一等侯湘鄉師相督師克復金陵賦獻六詩

丹青紉纒五雲疑中有黃人捧日升世說魏公原間氣
史稱宣帝尙中興百年禮樂應重定萬古文章信可憑
拓徧鍾山龍虎勢摩崖碑在最高層

大名神筆武侯齊迅掃蚩尤霧不迷北府軍諮黃袴褶

南州部曲白銅鞮連兵鄉里程靈洗持節江淮馬日磧
一疏 至尊含涕讀如聞 先帝問羣黎

八千子弟出重圍釋甲棄弓衣錦衣天上玉書催奏凱
陣前鐵騎捷如飛淮陰兵法多多善小雅征夫得得歸
滿目英豪皆楚產衡雲湘水有光輝

電掃軍符曉漏初彈棋子響客談餘大江東下頻懷古
太史南行更著書功在河山身欲退 帝褒智勇世誰
如文人首創封侯例八百孤寒氣一舒

於萬斯年異數邀上公茅土侍中貂經神學海高于古
虎節麟符鎮六朝天下安危唐代郭關中輪轉漢家蕭

天瘦閣詩半

卷四

八

吾師心跡吾能說舒卷閒雲在絳霄

廿年門館荷恩長趨府從容禮數忘驥尾幸依東國某
馬頭重拜北平王頻來西第曾無頌敬爲南豐尙有香
不付勲名付文字千秋衣鉢受歐陽

奉酬沅甫九丈招同幕府諸君登樓會飲二首

長公門下癡方叔風雨年年憶潁濱何幸元戎平巨寇
揚來勝地附嘉賓九秋茱菊供高會六代江山淨戰塵
一等英雄五湖長古猶無兩况今人

浮雲流水視軒裳不改書生鬢日狂杜老隨身有棋局

庾公乘興據胡牀喜爲才語成諧史戲罰深杯王醉鄉

轉悔升堂遲十載笑聲須補百千場

恭送曾中丞沅甫九丈乞假還湘四首

建業樓船擁阿童江天六月賦車攻黃巾黨羽無逃匿
白馬河山誓始終南渡李綱提勁旅東京鄧禹冠羣雄
我公偉績高千古不在尋常將帥中
大難初平賴拊循長令億兆戴 皇仁萬家香火祠生
佛一路謳歌逮遠民膏澤流爲功德水慈祥釀作太和
春行年四十成功退潞國汾陽羨此人
蓋往觀潮過浙江先教湖水識歸艘里中交舊多韋布
帳下偏裨半羽幢謝傅置身愛邱壑富公清德重鄉邦
天瘦閣詩半

卷四

九

卽今西北猶烽火肯放將軍狎釣鉤

虎卧龍跳筆陣奇日長鈴閣喜臨池平原書有忠貞骨
涑水名兼婦孺知萬事乘除憑氣數一身出處繫安危
明年花柳燕山道應是鋒車入覲時

大江左書感

此身竟似屏風樣曲屈周旋亦自疑官事世無能了日
古人仕有爲貧時三年求食依仁祖百戰成名讓敬兒
還是獨醒還共醉願尋詹尹課靈著

爲廉昉先生題萬足圖

盛名坎壈日纏身但有佳兒氣一伸世上歡娛惟此最

眼中頭角嶄然新，荀龍薛鳳行相踵。杜庫曹倉故不貧，誰實與公填缺陷。天心終是愛才人，挂冠贏得一身輕。載酒江湖自在行，餘事亦令流俗詫。新詩欲掩古人名，夢魂夜夜趨鄉井。肝膽時時向女生，我願郎君勿翁似。祇將愚蠢博公卿。

除夕以汲古閣十七史贈賀幼甫副以此詩

年年除夕連元旦，京邸高歌好友齊。何幸兩家居對吻，可無十日醉如泥。交更勢利思貧賤，語帶憂危出笑啼。祇此陳編持贈意，他時相憶定凄迷。

梅庵和尚約同曾佑卿太守游生生菴

天瘦閣詩半

卷四

十

臨湖滿眼是新詩，楊柳風輕拂鬢絲。入寺飽餐香積飯，論書思補太和碑。

李北海碑字跡磨滅殆盡

永嘉一宿禪叅破，圓澤

三生石護持寂寞，論交曾子在。素心還倚老僧知。

喜聞仲兄將至東鄉

老去翻然犯遠征，舟航無恙下江城。音書入眼來顏色，骨肉驚心問死生。歸路預愁巫峽險，還鄉先贖墓田耕。年年妻子隨流轉，今日尊前有弟兄。

山行志喜

丁卯三月十四日東鄉作

閒攜梅鶴入村林，旁有流泉上鳥音。花映千山紅勝錦，秧鋪萬頃綠抽鍼。英雄豈諱求田計，仕宦難移愛樹心。

他日西歸誇父老編詩添得汝東吟

游麻姑山門人涂少卿姪映庚兒文琛侍行

登高勝事補重陽親到靈山夙願償草木尙含仙氣味
池臺疑湧佛毫光洞中白鹿依稀見橋畔紅泉一再嘗
笑顧門生語兒輩菟裘吾欲老斯鄉

甄別鳳岡書院諸生賦詩述意

雨霽山城過雁聲行吟場屋對諸生文心悔被塵勞奪
好事終須福力成畢世難拋惟筆札看人滿意到功名
羣賢合以子爲鑑早踏金鼇頂上行

讀黃修餘和詩再賦

天瘦閣詩半

卷四

十一

中外稱詩浪有聲揄揚畢竟誤平生曾臨彭澤難歸隱
暫領盱江豈宦成五斗米聊充活計一條冰肯負清名
巴歛換得陽春曲吟向東風繞院行

贈何鏡海方伯

青門舊是悲歌地白下重逢好事朋吟傍瓊花揮綵筆
醉沉璧月擁華燈中興讜論陳同甫天寶詩人杜少陵
公取封侯輕四鎮我拚佞佛究三乘

徐頌閣學使按試建昌試竣賦贈

種成桃李滿盱江江西風送錦艫晝永郵籤聞水驛
雨餘山翠撲篷窗詩專神韻箋三昧鷗共忘機下一雙

想見隱囊紗帽側時拈畫筆寫魚缸

羈人薄宦備述遑無復豪情十載前世故遷流因以老
詩名傲兀甚於顛儒林文苑談何易無字催科豈曰賢
四十九年明歲是知非準擬賦歸田
平景翁屬題其族人耕煙草堂詩集

一官瀟灑鮑參軍三絕高閒鄭廣文足跡動經天下半
才名自向古人分酒邊客到論奇字紙上山成擁亂雲
展卷便當年譜讀承平勝事備傳聞

龍門屢叩閱楹書十萬牙籤奉起居暇日精勤文字役
遺編寫定劫灰餘王家七葉皆清德竇氏連珠有盛譽

天瘦閣詩半

卷四

三

盡發祕藏傳棗本星雲先覩快何如

同許璞生同年游百花洲

往事東華簇軟塵眼明重見嶺南春雲龍角逐猶前日
陳屈風騷有替人美酒任澆胸塊壘寶刀曾識膽輪因
宦途滋味嘗應徧豈到聞鐘始愴神

百花未見一花開頗訝洲名浪得來石磴高低餘草木
煙波掩映幾樓臺遙山一桁看成畫短燭三更照舉杯
擊節聽談珠海勝錦帆簫鼓鬪詩回

元旦試筆四首

新年醉飽似還鄉瘦盡腰圍減却狂已料班資終不進

惟餘風義耿難忘人情斟酌爲通介書味溫燖得老莊
漸悔將詩驚世眼便傳何補一生忙

平生不淺是天機雲自無心鳥倦飛安得金門充隱去
誰令玉局有田歸文人幾輩能消福相者從來只舉肥
槃敦奇零碑揚夥摩挲竟日樂忘飢

自量未易合時宜客至從嗔見面遲慣闕報章無乃謂
不爭要路果然凝清流觸忤階言語薄俗譏訶勝禱祠
剩有纍纍書萬卷前船北馬鎮相隨

勾留一半在幽燕小別江南又幾年彭澤久爲陶令占
東鄉仍以艾家傳將游海嶽先攻畫每遇悲歡認作禪

天瘦閣詩半

卷四

七

已迫知非思學易深居淵默向韋編

許星臺觀察赴九江任詩以代餞

臨汝清流鑑一心豫章直幹聳千尋江州再領觀風使
廬嶽重招入社人陶徑菊松憑問訊庾樓煙月恣登臨
主持騷雅唐蝸寄先有歡聲動士林

題項芝生先生詩集

林和靖後數詩流競說先生勝幾籌一卷騷情兼雅思
百年燠唱得簾酬承平京洛嬉公讌跌宕湖山縱俊游
吟徧杭州佳麗地荷花宜夏桂宜秋

祝王霞軒廉訪之尊人八十壽

雙江親聽頌聲來一樹靈椿蔭上台世以義方尊五桂
公之盛德應三槐金樽竹葉分曹醉畫檻梅花滿意開
珠烏填門車溢巷羣仙高唱紫雲迴

題湯雨生先生遺像爲戴春波作

將軍別業在金陵地近隨園世並稱六代江山歸品藻
一家詞翰備師承茫茫浩劫從先子颯颯遺容似定僧
獨有門生風義重白頭感舊對青燈

送羅惺士太守入蜀

十年章水愧浮沈徑欲隨君返故林峭蒨山川入蜀記
平安琴鶴吉天心百花潭憶嬉春路萬里橋留送別吟
天瘦閣詩半

卷四

古

到日草堂梅信早江村騎馬試相尋
上壽高堂舞綵衣閒雲還向蜀天飛中年以往悲歡迸
契濶之間故舊稀岸幘談兵諸帥伏當筵題句萬花圍
不須更問封侯事但有田耕便合歸

酬陳右銘朱蘋舟見過

閒肯到門惟石友病能致客信畸人夜涼孤月生遙浦
風定疏花弄晚春老境漸同詩境澹今年真較去年貧
暫容存活還堪恨無術修成自在身

贈右銘別

貪作英雄厭腐儒行藏合與古人俱談兵大帥虛前席

過關名王叩遠謨海上魚龍看出沒林間花草閱榮枯
臨歧爲誦垂堂語珍重千金七尺軀

題素園兄小照

白頭冷宦厭趨奔問字能容日叩門炫爛文心歸澹定
摩挲書卷與溫存畫圖看作眞邱壑朋舊親於老弟昆
千萬買鄰吾願足買山偕隱要重論

臨川雜感二首

梁州旅食更幽州丹鳳城南十餞秋喜共清流趨太學
頻來海客說瀛洲中朝幾見賈登第下考仍如廣不侯
今日江干憔悴極等閒還夢帝京游

天瘦閣詩半

卷四

五

久說臨川是夢鄉夢中說夢足悲傷男錢女布恩仇局
後果前因解脫場鴻爪何年周五嶽龍門終古在三湘
還山結屋依先壟補種松楸土亦香

和董覺軒明府旅感原韻四首

打門人送好詩過對客長吟喚奈何似此通才前輩少
最憐同病後來多怕驚凡俗琴休碎未報恩仇劍屢摩
瓠落江城吾老矣每逢青眼一高歌

蜀道天西遠作程舊時曾訪子雲亭來浮彭蠡千帆白
夢繞峩眉萬笏青鐵柱仙人何日遇金繩梵塔偶然經
遨遊擬徧中華地畫手先圖五嶽形

停車不復過黃墟十載青春憶上都易水衣冠壯士酒
燕臺脂玉美人圖有情坊藥遙相贈前度桃花定未枯
乘興且須觀海市豈應牖下老癯儒
子立迴黃轉綠間多時顧影自嫌單荊州舊識階前李
淮市誰驚袴下韓白日正長清睡足青山未買隱居難
洞天倘割寬閒地便就松筠守歲寒

和陳南村六十自壽四首

太邱道廣物皆孩愛好詩瓢與酒杯湖海一樓豪氣在
潯陽九派頌聲來鴻泥遠印蠻天雪鶴蓋曾探玉筍梅
想得掀髯左右顧孺人稚子笑千回

天瘦閣詩半

卷四

七

隨陽鳥與號寒鳥平等相看氣自平缺陷所都爲世界
中邊皆若是人情原嘗愛土拚金盡嵇阮全生以酒名
願學錢塘桑水部徧游五嶽御風行

無論墮溷與飄茵花正飛時草色新讀史賢豪多恨事
置身貧賤敢驕人量鹽數米中閨婦拜月禳星下土臣
天意玉成終食報孤寒還有甑生塵

局外看棋爛斧柯夜來支枕耐消磨少櫻霜露終天恨
壯役關山去日多羊祜前身原李氏馬周知已一常何
春來準備詩情勝徧酌園花縱笑歌

坡公生日汪柳門學使招同董覺軒趙搗叔張公

東三大令及學使門人鄧竹生孝廉謙集靜香齋
卽席有作

委篴曾吹江上風
敢云心與昔人同
大名一代兼仙佛
盛會千秋繼畢翁
喜入梅花供笠屐
滿斟臘酒侑絲桐
定知玉局精靈在
卽在吾儕笑語中

靜香頻許坐春風
君與吾家仲約同

謂若農學使

昔忝蘇門

六君子今成白傳
一漁翁
温磨煙墨珍
周碣流別文章
說皖桐夜半醉歸
餘興
愜高吟聲出
筭將中

和韻柳門學使留鬢

祇遲三日便迎春
笑說留鬢意態新
預卜銀髯坡老似
天邊閣詩牛

卷四

七

應防玉貌孺人嗔
好詩撚就眉先喜
賀酒傾來德有鄰
隨例稱翁不嫌早
公於六一最情親

用覺軒韻贈顧稷侯別駕四首

日望羊求熟徑過不來
爲問意云何
案頭書發一行覆

君近編算經

巷口水深三尺多
留客精肴煩德曜
傳家異本

祕維摩

君藏殿板文選不肯示人

命宮俱有金星照
我愛聞歌君善

歌

約略年時北上程
河聲嶽色短長亭
市樓取酒拈重碧

店壁尋詩泥小青
一縷蛛絲終未斷
幾時鴻爪得重經

竭來眼底多凡豔
誰似花紅玉白形

不忍重尋舊酒壚平生知己半鄴都每當硯北挑燈語
卽是山陽聞笛圖薄宦倖因刊史盡夏謙甫丈衰年淚以悼

亡枯

楊太守素園

八哀詩與五君詠竟被青袍誤老儒

鑄夢精廬只半間頻留說夢伴孤單玲瓏畫筆王兼憚
爛漫詩心孟與韓熱不因人爲計左動而得謗合時難
惟應我我周旋久江上鷗盟未可寒

用覺軒韻答鄭曉涵明府四首

羅雀門庭幾客過斷無許史有陰何論交推我十年長
得句加人一倍多餽口只依仁祖食生兒望受誌公摩

江淮異土幽燕將并入王郎斫地歌

天瘦閣詩半

卷四

六

悵望鵬搏九萬程振衣時上翠微亭故鄉雲海極天白
浩劫鏗山依舊青喜就宗工溫試卷恥同名士讀騷經
一官縱與塵相抗不改郊寒島瘦形

一墮鴻濛造化墟人間何處覓通都去思漫說千家佛
到眼偏饒萬變圖夜雨打花拚向盡春風噓柳倘回枯
吾儕但有忍飢法誰是侏儒誰腐儒

于紅萬紫渺茫間花葉誰能辨複單乞巧未工還念柳
送窮無效更憐韓高臺尙記當年會樂府休歌來日難
八百崖州門下土煙波江上有孤寒

寄酬王廬陵松溪明府用覺軒旅感韻四首

燕公親袖寸箋過剝啄其如債主何番佛廿尊誰謂少
赧王一輩此時多迎春美酒須霑醉致富奇書要揣摩
免得年年窮不送夜聞人唱太平歌

匆匆惜未送登程想見離樽會野亭臘雪頓催梅信白
春風又過柳條青平生懶慢君應諒行路崎嶇我久經
自笑空函遲作答論交原說在忘形

江鄉何處有黃墟意外逢人美且都南郭笙歌春賽社
東華車馬昔游圖兒童鬪草心皆喜我輩看花眼未枯
尙記留餐香積飯山僧真率類寒儒

居在廉泉讓水間鄰多好友不嫌單兩家楊柳同元白

天瘦閣詩半

卷四

九

一代雲龍似孟韓摩詰詩名誰可及廬陵米價向來難
計君官滿歸南浦近局同消九九寒

六月三日見韓生於半夢廬

嶺梅湘杜夢魂牽近對冬郎益惘然病尙三分愁亦爾
別纔卅日瘦於前心情未解因人熱性命須防以藝捐
太息大千花世界花誰長好月誰圓

和贈俞竹君大令出都元韻

遲遲不忍去京華何術能迴歧路車夢醒都非莊叟蝶
升沈大抵子陽蛙低眉佛有千般恨行腳僧無一定家
驚世文章遼海淚可堪肉眼眼紅紗

說歸那有可耕田墮溷聊隨現在緣失計安知非善計
衰年強認是華年平生缺事難勝酒此日清官要積錢
時作牀頭金盡想須防雞骨受尊拳

子衡老詩翁垂示花朝法雲堂與梅庵修梅雪巖
瑞青四長老小集原唱因和其韻

探得驪珠出手先當筵綵筆奪花妍半間我附青蓮室
十年前棗與梅庵
商築牛間詩屋一老今推白樂天玉軫聽彈流水遠

鐵瓶留鎮法雲傳駢梅瑞雪皆禪侶近局相期續舊緣
和張儻仙游百花洲韻

山色湖光共一樓芙蓉楊柳似汀洲西窺遠岫留丹壑
天瘦閣詩半

卷四

三

中亘長隄界碧流孺子亭空喬木老雲卿圃冷菜花收
玉簫金管猶能辦惜少沙棠幾葉舟

山色湖光共一樓天開圖畫表瀛洲每看萬士隄邊立
欲置千觴水上流日晚游人還不散月明漁網幾曾收
藕香深處聯吟地擬附諸君李郭舟

得杜生芳洲滬上書

二十餘年小叔過伊人遠似隔天河忽傳海上纏綿字
校勝淶陽宛轉歌夜枕暗聞鮫淚滴冬郎其奈虎賁何
貞元朝士垂垂老故舊無多缺憾多

遠游

庚辰八月滬上作

孰讀楞嚴念念空扁舟竟過大江東藏書久散千頭蠹
晚節猶憑百足蟲思託士安傳賦詠將以拙藁就正
通人待序付刊漫

尋詹尹問窮通布帆與我皆無恙會有江神送好風

頻年偃息亂書堆魚雁時傳遠信來世上素心宜責善

平生故人遺書屢勸出游客中奇遇是通財諧於末俗操何術算到

清流愧不才出戶願觀天地大江山風月任徘徊

秫田輕擲等鴻毛使受飢驅敢告勞旅伴獨攜三尺劍

俠腸終類五陵豪重攀白下當初柳一看元都去後桃

遙計陶然亭子上到時佳節趁題糕

臨歧更觸故鄉情庚戌正月由里中
北上今卅餘年矣愛惜初心有此行

天瘦閣詩半 卷四 三

敢倚文章留重價全拋福力換虛名友人先後入都遇
公卿朋好多有問

賦近狀者憐才淚足流無盡讀史聞人見有懷才不偶者輒
為流涕悼歎而一身之淪落不

以介感舊詩多記不清香火因緣湖海氣未應前路少

逢迎

訪袁翔甫仁兄於楊柳樓臺牽成二律就正

吾曹無地起樓臺一室俄同廣廈開六代精靈高會後

九州人表不羈才午風白袷穿花出斜日紅裙鬪草回

認是倉山詩世界壁間珠玉朗吟來

忘機真作海邊鷗去住升沈不自由怒馬一鞭開笑口

流鶯百轉惜歌喉醉鄉能使英雄老詩卷姑憑天地留

楊柳熟知人意思千條萬緒弄輕柔

贈吳孟霖仁兄二首

舌逞風雷氣吐虹炎天揖我蜃樓中過江名士真無匹
忍辱仙人卽大雄劉有孔知千古再龍宜雲逐四方同
一帆遙入楸桑國壓倒鯨波萬頃紅

新詩引我好懷開共吸論文酒一杯石破天驚才鬼語
雲旗煙駕古人來近聞下詔搜巖穴會立奇勳上鼎台
自笑臂鷹身手劣不隨君去看蓬萊

天津旅舍病小愈賦投合肥李爵相二首

雲雷夙擅經綸手寰宇今瞻社稷臣東海有連爭一字

天瘦閣詩半

卷四

三

北門以準繫于鈞和戎舊策姑增幣謀國深憂甚卧薪
翹首先師衣鉢士望公畫像在麒麟

萬里趨投豈偶然樗材無用得天全敢希幕府司文墨
但乞兵厨貸酒錢珠桂極知居不易雲泥未覺勢相懸
相公造命蔡安命旅榻禁寒夜似年

听伯仁兄手贈衡華館詩集讀竟題寄王弢園廣

文求正

蛾眉老大虎頭癡嶺表江東久繫思元亮故知無俗韻
子瞻終欠合時宜異鄉託足忘爲客同輩傾心遠寄詩

經世輸君書幾卷卽論風雅亦堪師

壬午元旦試筆東霧裏看花客倉山舊主高昌寒
食生並寄賦秋生天津瘦鶴詞人梁溪四首

海天紅旭射吾廬喜入眉間攬鏡初顧盼東風三女粲
憑臨南面一樓書綠窗倚醉聞瑤瑟紫陌爐晴命綵車
西望章江春信早八行珍重達雙魚

蜃市掩留歲再更越繁華地越孤清瓶花影鬧春如競
爆竹聲酣夢不驚江左風流殊未遠淮南賓客久知名
忘機已入閒鷗社一觸前塵百感生

老去游蹤水上雲江湖喜結散人羣黃生雅量論千頃
顏氏高吟繼五君古歎通才無顯仕今諳時務有新聞
天瘦閣詩半

卷四

五

貂裘夜走藏春塢一寸光陰酒百分
清才最念梁溪鶴遠夢時繁茂苑秋別後頓衰風月興
愁中各警稻梁謀誰違鮑叔金多與我羨班生筆果投
行路栖栖君勿悔古人傳食徧諸侯

和松石道人于役江介卽事原韻二首

羣賢努力作長城公法先教萬國明暮四朝三調喜怒
東嫌西牒費經營諸邦幸自能安堵治世何嘗諱用兵
計日看君囊穎出才兼文武動簪纓

自昔夷吾策富強祇今江海壯隄防一時扼險中流柱
百辟昌言政事堂醫國元臣親藥餌驚人妖彗指欃槍

獨慚戢影旌幃外不遣憂時鬢髮蒼

哭童遜庵同年予與遜庵及王同年澤山皆道光
初元辛巳年生蜀中車笠之盟無出三人右者京
邸過從風義彌篤一別二十餘年聞澤山卒於山
東遙哭之今遜庵以詞臣領瓊海未及通問而喪
車倏至夏間哭曾栗誠二弟不意又哭遜庵於此
也自念白頭一棹載酒江湖天且不遽奪之者予
才不如澤山位不如遜庵天其或者假我數年將
壽補蹉跎乎

往築雞壇共結盟同年辛巳復同庚抗心古昔三人最
天瘦閣詩半

卷四

四

脫手文章四座傾白也風塵仍落魄羲之海岱久吞聲
今君又向仙龍去隻立寰中莽自驚

曾孝廉來停旅櫬重觀察至設靈帷謝公淚墮東山日
白傅心版西土時已解天弢安所苦略知禮意未須悲
講堂弟子多英雋伐石應刊有道碑

贈別胡虎臣同年由湖南還肅州

邊州人物抗中州想見當時張介侯青史古今羅眾製
白頭南北望清流故山松菊荒三徑歸路圖書壓一舟
老識同年休恨晚賢於曠世但神游

滬上喜晤蔡輔臣太史

京華舊事得重論最羨君家好弟昆竇氏聯珠無敵手
姜生大被有奇溫文章先後高詞苑孝友東南表義門
葉易成陰人易老一思空谷一銷魂

和管君秋初見贈元韻並柬鄒翰飛茂才二首

醒卽高僧醉卽仙抱琴未暇訪成蓮花當榮悴皆如夢
鳥不飛鳴又幾年虛室有光窺道妙墜車無恙恃神全
近來兼主壻夫學擊壤吟成澹眾緣

點石成金世謂仙君言無術救顛連北門半是居貧日

東野曾逢得意年舉子文章官樣貴予嘗語翰飛應舉
之文須是吉祥豐

滿一登科第卽食祿有階豈不
賢於屈曲嫁衣綢繆餽穀也哉秀才憂樂古人全儒宮

天瘦閣詩半

卷四

三

一畝藿三甕且避尋常肉食緣

東坡頃以天瘦顏室客曰是添壽也病中間之則大喜

乃以天補名樓而自稱曰天補老人蓋謂將壽補

蹉跎耳

和天也瘦少游癡天瘦題楣亦好奇豈爲假年求不老

便呼添壽喜相宜眼中花過如投夢身後書傳欲靠詩

僥倖虛名華夏及可能來世有人知

近日新舊之交皆不似故友傳古民曾佑卿之篤

於責善予雖欲寡過而無人可質吾道孤矣卽子

將以傳曾自任亦未見有一人焉如子昔日之服

善者則世道又可知矣此詩之所爲作也

畏友平生傅與曾每於小過亦嚴懲二君落落稀同調
萬善兢兢勸服膺流俗往來多貌執美人遲暮欠心朋
九原倘念吾衰久呵護殘年飯量增

韓聰甫訪予滬寓頃復頻來問疾并贈所刻前賢
遺書多種

廿年宦海侈交游今日升沈兩白頭愛訪名山傳秘蠹
每臨湖水問閒鷗文能警世心何熱老不趨時骨本道
歎息晨星天上少一回相見一綢繆

馮子因過予視疾賦謝

天瘦閣詩半

卷四

三

名父佳兒起舊家君之食報正無涯身兼穎上將軍樹
官有河陽滿縣花湖舍頻來看煮藥江船遠去聽吹箎
重煩寄語胡衡麓尙憶湘臺賦舜華

舒彰五靜坐觀心時過予印證所得

浮圖千仞峙雄關指點君家舊住山苦縣過來仍有累
浮雲看破只宜閒仙心佛旨憑參悟逸士羈人與往還
終是秀才風味好兩無歸計笑囊慳

寄陳南村時宰新城

與君投分在京華市飲常停薄笨車遠慕天山工起草
久宦章水善栽花閒來說舊尋三徑老去爲詩就一家

公暇好過通德里

魯山木陳石士兩先生後裔必
有衍前人文業能自樹立者

半論

文字半桑麻

劉璧初喜藏金石書畫屢攜所得佳品其賞香濤

制軍主蜀試時君受知最深

蜀士千人一白眉南皮高弟重當時衡門屢顧棲遲客

保障優爲慈惠師書畫舫中饒韵事 御屏風上待恩

知憑君爲報張京兆老友新添幾卷詩

夏子和溫雅好學詩以獎之

夏生詩筆阿龍超記室年年有雅招絳帳留師循北面

青燈讀史愛南朝百篇太白叨低首五斗淵明念折腰

天瘦間詩半

卷四

一

倘就風塵奔走吏應聞來暮采民謠

許子玉約江南館雅集患足未往

宗之玉樹皎風前祖硯能傳勝種田湖上來尋多病客

池邊約醉豔陽天豪情鎮可同評劍老態居然聽執鞭

思看江南紅芍藥卻因小蹇負清緣

李筱圃就申報中翦予滬上所作詩排比成帙

石鐘山下樞門前一道新隄利泊船久歎長才工畫策

近分餘智劃吟箋裘成正賴收零脰食美頻叨致小鮮

如此解人何處得塔尖思看相輪圓

前年在滬上張廉卿告子曰吾門有二范天下士

也子見无錯讀其古文辭才識閑卓歎美之頃无
錯之弟仲木明經在陳伯潛學使幕中襄校文字
過予定交予益信廉卿之言不虛喜而有作貽仲

木並寄无錯

雙丁二陸見於書幸甚今朝識面初日下一龍疑未遠

鄴中七子問何如偶逢陳尹因留榻喜過侯生久駐車

畫苑稷侯詩家覺軒聯袂至東南竹箭滿吾廬

董覺軒同年集中有贈予二絕蓋初定交時予已

失官也用其詩第四句第二句發端成二律答之

醉揮詩筆當吳鉤七字驚人未易酬獨立蒼茫來伴侶

天瘦閣詩半卷四 天

此中空洞失恩仇本非骨鯁榮猶辱便學脂韋老亦休

今日書生誰強項憑君一柱砥橫流

湖濱風月獨清寒嘯月吟風強自寬肯爲窮愁還作志

原來骨相不宜官沈冥尙覺逃名易偃蹇方驚乞食難

閉戶出門皆失計竟憑何術洗儒酸

錢唐戴秋畦爲文節公少子以優貢任訓導保選

江西縣丞暫假回籍頃至章門客張子衡廉使籬

局聞子思足偕吳劭之來顧深談竟日酬以此詩

索和

憐君亦厭小官卑佐縣何如領學宜秋氣漸生黃落感

春人來副碧雲思力求手澤存遺畫久託神交愛小詩
一室晤言磅礴裸主郊賓島對狂癡

憶巴臺

臺側卽白文公祠中有醉吟樓往時每逢九日宴客樓上凡四五年

雲根驛外聳巴臺秋士悲秋醉幾回穩插黃花防落帽
賭拈紅葉記傳杯祇今佳節鄉愁劇何處登高笑口開
好決歸期勤載酒荒邱長醉古人來

懷屏風山陸宣公祠墓

祠中有懷忠堂堂之左右則昆虛寺呂祖樓也

豐碑矗矗冠屏風宰樹槃槃冪殯宮三峽一州爲引重
千秋百姓遠懷忠貶官心力岐黃裏丞相祠堂仙佛中
聞說帝嘗呼陸九如何竟向謫居終

天瘦閣詩半

卷四

元

白桃花

咫尺仙源懶問津澹煙輕靄隔紅塵開當南國連瓊樹
看到東風避畫輪玉露濯枝空冷習梨雲入夢認前身
瑤林一望明於雪中有牽蘿絕代人

洞口經時幾客過竹籬含笑野情多祇應素面嫌脂粉
且讓紅顏炫綺羅西土散花銀世界東皇著手玉枝柯
芳心早似池蓮淨照影春流印碧波

追和湘鄉先師曾文正公壬子主試江西在涿州
道中寄酬元韻二首

河汾弟子多人傑一士江湖一息存屢役夢魂投几席

時揩醉眼翫乾坤書堆墻角侵蝸壁竿插庭心曝犢禪
安得水田過十畝硯田終不濟饕殮

春風廣坐納羣倫魯衛同封淨戰塵彪炳鼎鐘延世胄
流傳衣鉢樹文人逢時亦有雕龍衍

藉公吹噓送上天者今之功烈何如

愛士今無相馬致舊德在心詩在目高歌猶足壯精神

附 湘鄉先師詩

巴東三峽猿啼處太白醉魂今尙存遂有遠孫通胄
蟹時吟大句動乾坤愛從吾黨魚忘水厭逐人閒蝨
處禪却笑文章成底用千篇不值一盤殮

勁翻摩空故絕倫吹噓曾未出風塵細思科第定何

天瘦閣詩半

卷四

三

物却是飢寒解困人大道但期三洗髓長途終遇九
方歎秋高一放脫鞵去看汝飛騰亦有神

和韻寄酬向梅修同年

一官竟陷不羈身且避今人抗古人賺甚榮華來苦惱
憑何伎倆去清貧意中精衛茫茫海扇外元規種種塵
別卅餘年年六十舊愁新恨助沾巾
老來書卷不隨身痛惜異鄉同譜人一世分飛彌戀別
半生銖積賴忘貧英雄末路愁強弩京洛前蹤狎軟塵
我已傷心撻繳矢君須努力保冠巾

感舊

過江忝待相門茵浩劫初銷世界新
白下移居九如巷
青山懷古六朝人
一時壇坫高詞客
半壁東南倚老臣
師友蒼涼分手地
揚州明月渺前塵

寫憤

棋局迷離久倦看
酒盃冷落甚誰歡
髮餘種種七分白
心告蒼蒼一寸丹
忠孝未伸何敢死
恩仇垂報已無官
朝來跂足南窗下
樂府空歌行路難

沈棠溪至贈所撰古文刻本別踰十年君今年七十有七猶以著述自課情話移時皆切磋語也

打門聲急入門親
與說頻年去住因
肯念故交探近狀

天瘦閣詩半

卷四

三

錯援古事料今人
士如畫餅名無用
樹易成陰德有鄰
莫怪上書于宰相
昌黎多病愧長貧

題竹垞老人硯像摹本

一生食硯倚爲田
採徧端江幾洞天
圖傲東坡留笠屐
書藏北垞護雲煙
紅絲石有歐陽癖
玉帶生同信國傳
對此更懷毛檢討
西湖二老昔流連

附竹翁著書硯銘

硯背下段錄像上段刊銘竹翁

書

北垞南垞北中有曝書亭空明無四壁
八萬卷家
所儲鼠銜蠶獮祭魚壯而不學老著書
一泓端州石
晨夕心相於審厥象授孫子千秋名
身後事

易笏山方伯在在都門屢借文謙一日過予寓舅
談經濟見予手一卷呀唔輒奪擲於地勸予赴湘
鄉師軍幕勿徒鬱鬱居此追念三十年前良友勉
慰之誼乃爲此詩

決科貪上鳳皇池戀戀都門去較遲顯者豈皆由舉業
昔賢多半就軍諮祇今萍梗無歸宿始悔風雲不早期
良友樹人先自樹果然聲績滿西陲

子衡廉使偶返平江爲杜文貞叔修祠墓已踰兩
月時望其來頃劬之至言及廉使平生恆心三事
一馭兵一堪輿之學一則其詩也適予刻卧游詩

天瘦閣詩半

卷四

三

竟寄呈求正因附此篇

自謂韓侯足將兵喜尋山脈定佳城就詩而論應無憾
能賦之才夙有名晏子善交宏氣類阮亭愛好諱風情
卧游一帙粗刊就雲樹清樽與細評

應莘臣時時過予主方關注勤切卓有古風

玉函祕要久推詳二仲真傳妙主張

氏翹楚往時隨宦轍

人近代備仙方法當止痛還思痛效在循常不改常金

盡牀頭顏色減藥錢姑典舊衣償

讀陳右銘所撰河北致用精舍課士錄經世之學

實事求是昔人曰識時務者爲俊傑予於此錄亦
云

萬方民物一堂中胞與先程造士功上古神靈西北盛
秀才憂樂帝王同匠思構厦材求備儒以通經用不窮

莫謂書生迂寡效請看文正曾湘與文忠胡益天和人

奉懷曾沅甫九丈庚辰秋杪聞九丈防禦山海

關棗由江至滬附海舶次天津陡患傷寒返滬就

醫壬午九丈總制兩廣棗適患滯下不得徑赴穗

城今春人日滬雪巖寒凍損左足由滬回江又以

足患未平不得速往金陵憶自甲子秋九丈乞假

天瘦閣詩半卷四 一 五

還湘棗遠送江甯城外賦七言四律志別繼聞九

丈撫晉主賑賢勞致疾爲詩奉懷曰天下奇男子

人間好弟兄九邊雄作鎮萬命倚爲生多病思求

藥成功乞解兵太原何處是湘水遠含情方棗天

津病劇時爲書一通凡千餘言託黃沛皆太守攜

呈關幕不知九丈果得覽否自先師薨逝天時人

事日更月變迥與昔殊卽棗棄擲一官不足惜而

一身多病屢瀕於危無惑乎傳噩耗者一年兩聞

此身雖在亦堪驚既賦當日留贈長劍入卧游詩

中復成此律而亦遲遲未寄者棗謂過南都而詣

元城道泗州而瞻聖塔但期一面不枉連年馳慕
不啻再見吾師師弟團圍之樂較之金陵克復時
倍堪眷戀使裴沈疴頓愈克副往見之誠及此桑
榆亦足罄疇昔之懷而攬江山之勝斯晚年極快
事也

晚節栖栖尙遠行蘇門方叔老無成曾期躍馬投關塞
復擬揚舲詣粵城百疾因循游興阻三年左右寸心傾
白頭趨府知何日萬感填胸一寄聲

寄朱蘋舟

庚辰夏爲湘鄉先師撰梁木吟五律

廿四首粗就適蘋舟至見詩注徐海觀贈予師友

天瘦閣詩半

卷四

一

中原風義盛文章下第姓名傳一聯相顧嗟賞昨
聞陳右老言頃次武甯蘋舟尙問予近狀乃撮四
年前此段情事爲一詩寄之

獨吟梁木與誰親詩社惟君許結鄰紫府押衙尋位業
青雲聲價出風塵一碑峴首同千古六子蘇門剩幾人
當日中原師友句每思海客易傷神

酬惺士右銘幼甫三君子並柬實君適伯嚴自長
沙寄予詩札徐當和韻先寫此作寄覽

名師卽父友如兄日遣癡兒詣老成肯悔亡羊終鮮咎
獨憐舐犢尙含情桑榆不恤黃昏近藥石強於月旦評

拜紀交羣風義在歲寒努力守前盟

示兒文琛

夜聞吾子戒吾孫簷雨聲聲墮淚痕家運尙堪興白屋
天心終信護清門圖書散落他人有松柏蕭森故壘存
急爲延師嚴塾課徐圖返蜀卧山根

閱申報懷沅甫丈並寄陳舫仙方伯

人心震動應天文迭起紅光散陣雲電報雞籠爭得失
風聲鶴唳駭傳聞九重再命全權使百戰重提却敵
軍亟振凋殘謂越南鋤狡悍力分宵旰劑憂勤

酬胡惠齋屢借子因過談並饋阿膠

天瘦閣詩半

卷四

三

聯翩屢肯過書巢發藥言關道義交昔荷素心

楊子甸同年

投建翹今甦痼疾仗阿膠無題謬賞銷愁句

近撰春江浮夢錄君

甚擊節

有喜兼占无妄爻仲景遺方收效捷良朋審用幾

推敲

君之同鄉應莘臣爲予主方多用仲景良法

閱申報讀錢君昕伯爲予志喜之作始知滬上又

有傳予噩耗者搜疾彌年衰態大露亟思再游黃

浦先次金陵而亦遲遲未發蓋左足僅能移步尙

難出游宜時人以予當少微之變然予敢自命高

隱而以求死爲榮耶因和原韻寄酬昕伯其辛巳

秋和答昕伯三律并附於左

蠶吐春絲漸欲殘，鷓鴣盟社不曾寒。遠書劇喜白頭在，
新句還將青眼看。字比澗松撐瘦硬，身隨寺竹報平安。
萬花中有桐花鳳，香霧濛濛秀可餐。

附得李芋仙刺史江右旅次書知夏初傳言之誤

喜而有作 錢徵昕伯

櫻花初綻柳花殘，聞說東坡骨已寒。才大易遭流俗
忌，書來幾作古人看。細詳筆勢仍飛舞，方信吟身尚
主健。安遙寄江城無別語，客中最好是加餐。

胡宗昕伯社兄寵贈三律和韻求正

未面相思面即親，買絲先合繡斯人。謹嚴筆監千秋史，

天瘦閣詩半 卷四 三

渾噩胸含萬古春，休更問天于忌諱。獨憐垂老狎風塵，

詩家爭詫君知我，阿堵傳神字字真。

生無媚骨法宜貧，輸却一官贏一身。槃敦東瀛懷遠使，

曩在京師與朝鮮壺觴北海聚嘉賓，聞歌滬上疑天上。

溷跡遊民號幸民，儻縱五湖煙水棹。願憑鷗鷺問前津，

頭白猶然臥海濱。比於嵇阮託沈淪，文章不抵金三品。

性分惟饒友，一倫絕代佳人何日嫁。隨身書卷自爲鄰，

共君且作逃名計，晚福終邀造物仁。

附昕伯見贈詩

舉世滔滔局樣新，如公端合困風塵。生無媚骨難爲

吏賸有名心亦累身結習未忘歌當哭閒情雖賦幻
非真可憐秋雨瀟瀟夜頭白猶然卧海濱

不愛高官不愛仙但逢良友便開筵座中儘有知名
士囊底從無隔宿錢入手千金隨地散撐腸萬卷待
人傳於今老去雄心在莫問還山買薄田

我亦栖皇西復東卅年奔走每途窮久傷濩落將歸
隱不信飄零尙有公此日歌魚彈舊缺當年躍馬挽
雕弓才人一例饒孤憤安得巫咸問碧翁

東賀雲舲

君家累葉素風存人爵都因樂善尊章水清流傳治譜

天瘦閣詩半

卷四

七

湘鄉遺訓服師門東坡恥以他途進北使能知債吏冤
此是平生廉靖效更期報最達天闈

懷熊小峯大令需次廣州

記到南州早識君君兼博覽與多聞後山香爲名師熟

楊素園太守下世多年君追念師門嘗爲予稱述舊游

藏室書從好友分紙閣蘆

簾傷德躍君近有安仁之慟

白衣蒼狗闕浮雲魚龍出入珠江

上應念章江鷗鷺羣

懷薛山長慰農

卅年春夢繞京華白下遙聞擁絳紗風月滿天閒是主
鳥鷺近水偶爲家生徒北面胡安定台宕東游謝永嘉

自謂猶擬尋詩桃葉渡千燈一舸六朝花

閱申報知滬人聞警日有遷移久不得故人消息
此時尙居舊巢否疾草一書馳問附寄是詩

雞籠警報聞臺灣僑滬人思樂土還愁甚杜陵懷弟妹
難於庾信在江關吳門咫尺紆歸計蜀客驚疑瘦旅顏
看埽鯨波安燕幕相攜絲竹老東山

記夢 七月十三日

忍死長懸再見期乍相逢亦喜兼悲電光石火催離合
天上人間雜信疑來去總無言一句尋常剩有淚雙垂
新秋既墜前三夕黯賦今生未了詩

天瘦閣詩半

卷四

庚

東竿場詩友梅庵和尚

抱送曾煩老釋迦古稀又歷幾年華半間詩屋知無恙
一例漆園說有涯逃世未能疑媚世出家先要自成家
別來叅透禪消息及見靈雲所見花

晤浴室寺僧小滄大師於豫章城外

執手街心淚欲傾六年前事記分明霜鐘打破諸天夢
鶴唳驚爲半夜兵磨折竟同仙在劫周旋眞信佛多情
重新浴室酬涓滴誓到他生了此生

賀雲甫年丈初至南昌相見話舊賦呈二律

江上歸舟一葉輕老臣心跡大光明乞身常恐深恩負

去國無妨微罪行官舍鼎彝春爛漫墨池風雨筆縱橫
楚天空濶煙波遠何限諮鷗訪鷺情

羈人薄宦飽迍邐永巷長門感棄捐儒不治生難了債
佛云忍辱始成仙靈均敢信居堪卜精衛終期海可填
記得昆明當日路五更星月送朝天

錢毛孝廉實君部郎赴禮部試北行

蒲帆高趁大江風志節堂堂並世雄劍出豐城牛斗避
車過冀野馬羣空從來科目因人重直上煙霄驗命通
張香濤李仲約相逢應念我爲言飢飽萬書中

梅庵禪兄手造佛閣賦詩落成依韻和之

天瘦閣詩半

卷四

一

鑿池移石像蓬萊說有談空倚辯才少日爭趨詩老席
梅庵學詩於黃樹齋侍郎中天新築化人臺過冬一月還看菊種樹
多般更補梅指點昔時觴詠地應劉星散我頻來

憶傍城南築一椽買山而隱究何年孤芳幾見能諧俗
好夢從來不易圓貽上編詩增感舊歐陽著錄望歸田
歲寒三友禪三昧興結空門現在緣

留別王鶴樵廉使

鶯遷

自謂

久勝鵲營巢

自謂

繡服能全韋布交萱草長

春心替祝梅花健句手親鈔勳名樞府崇階注膏澤章
江善頌包今日別公行李薄獨餘琴劍未曾拋

題鐵瓶詩鈔呈子衡廉使正和

牛耳登壇一手操吟髭頓撚不辭勞近來頗向餘波麗
此事終推老輩高過眼雲煙何夢好側身天地以詩豪
鰥生正坐名爲崇不合從前醉讀騷

附鐵瓶先生和詩

懶散心情百不操微吟到枕欲忘勞懷才未許青蓮
並和曲何堪白雪高畫棟珠簾空綺麗銅絃鐵板太
麤豪相宜斂盡薑芽手痛飲狂歌當讀騷

留別賀大司空雲甫年丈

廿年東閣侍車茵一夕南州謁後塵親向江湖賒歲月

天瘦閣詩半

卷四

單

記看劍履上星辰高文不減傳三賦

公序菜所爲梁木吟備蒙於獎

筆猶能挽六鈞咫尺郡庭疎造請况堪遠別渺關津

故友何廉昉先生喆嗣秋輦月擔兩世講奉母居

揚州讀書應舉能自樹立頃予再至滬上承惠詩

札番幣讀之欣慨交心報以二律寄酬高誼并乞

和章

父書能讀母爲師二陸雙丁此一時後起才名同學避

先公清德古人期七言詩帶金華語萬足圖連玉樹枝

搜盡枯腸難出手沈吟兼愧報章遲

兩世論交豔紀羣江淮驛使易知聞久傷騎鶴人千古

乙丑夏送湘鄉先師東征因至揚州不數年 尙記吹簫
廉翁與先師同歸道山有師甥友替之感

月二分北固金焦曾識我南朝求點不如君綠楊城郭
春風暖欲訪瓊花張酒軍

附 秋輦世講見贈詩

何彥昇

彈指章門二十秋先生白髮未蒙頭自丙寅豫章別後迄今十九年

官居彭澤三年令公會宰彭澤家在忠州獨立樓公籍四忠州

有獨立樓今名天補樓天地有情留老輩湖山無恙放孤舟休

不作華胥夢重到江南續卧游公近作有靈會卧游詩

一代經師社稷臣升堂衣鉢迥超倫公與先君俱受業於曾文正公

仙才不受封侯券詩派偏歸失意人淚灑清湘悲鵬

天瘦閣詩半 卷四 望

鳥目空高閣繪麒麟瓣香先子同門士淪落迂公隻

立身公會刊私印曰梅餘道人以我為迂因號迂仙自壬申文正公薨先君歿後公又刊一章曰師

洞友替隻立人間

東鑾西錄萬里航雜林紙貴字生香公居滬久申報錄公詩甚夥

傲他瀛海金銀氣壯此文章日月光酒國神仙宗李

白花城弟子拜姚黃滬上二姚師事公甚摯秋高惠我傳書雁

尺素殷殷十二行

門巷蕭條長者車山林岑寂昔年居先君手携瓠園昇今家此

不才幸得承慈訓有弟還能讀父書昇髫年失怙奉母闈居借弟力

讀寫韻彩鸞中道去號寒雞鶴五齡餘室人為吳竹莊中丞女春

秋悼亡子 尚襁緜 半生况味凄凉甚拜手天涯報鯉魚

憶舊述懷寄程都轉尚齋同年

廿年前事憶東流鼓角聲中筆共投幕府軍書隨手了
縣官奔走折腰愁近聞幢節臨行馬自向煙波玩舞鷗

太史

謂嗣君
午坡

他時修

國史儻容文苑姓名留

寄酬劉樹君同年僑居揚州

贏得清閒卽福人及時行樂在忘貧詞投白石周文璞

仙許青蓮賀季真求友漸無燕市俠

往在都中狎主文
盟前秋至滬爾敦

風昔兄
弟之好

卜居當有蜀岡鄰蕃釐觀亦元都觀試爲桃花

賦冶春

天瘦閣詩半

卷四

一

附樹君同年見懷詩

章江一飯別匆匆十二年來又夢中往事祇今成露

電窮途從古出豪雄能將豔福酬佳句纔信名區屬

寓公笑我萍蹤老無定乘風游徧海雲東

香火因緣舊弟兄金丹慚愧說修成紛華過眼悲陳

跡迂拙甘心遠世情薄酒已拚千日醉歸帆猶喜一

江晴長途好續驂鷺錄近水遙山子細評

蕭芸浦孝廉二十年前定交京邸頃自揚州郵書

問訊拈句寄謝

臨池酷傲趙鷗波筆久成堆墨耐磨東晉風流傳禊事

北人天性善悲歌予留京最久詩多慷慨君嘗許可門敲白板頻題鳳

君昔過予邸舍月無虛日經寫黃庭亦換鷺來歲曲江紅餅宴杏花

十里馬蹄過

與莫仲武世講話京邸舊游

壯卽相親老繫思卅年再見說京師牛腰書卷多爲累

駒隙光陰去若馳猶聳吟肩仙灑落長留墨本佛慈悲

仲武爲予手拓法源寺船山所摹佛像頃方什稜先公疇昔敦風義堂構聲華

副厚期

寄徐聖秋八弟需次淮南

竹西歌吹夜連晨淞北招尋主亦寶一縷香縈三日坐

天瘦閣詩半卷四望

二分月洗六街塵雄談似擊正平鼓晚節思扶大雅輪

質崇入詩矜草創巴歛何幸換陽春

東莫上海善徵同年

東流投分至於今交際年光日以深久豎修名齊伯仲

同牽薄宦耐升沈四知砥勵關西節曩與君以清白吏相期今雖一任一

隱而素節不渝一字商量硯北吟偶以近作就正君代爲推飲

慣吳淞江上水受屢亦願託棠陰

李眉生同年自蘇州以所刊楞嚴蒙鈔見贈寄謝

中庸說性極精微後起楞嚴善發揮長水虞山應合轍

出無入有在忘機雲煙多處千花舞天地之間一鳥飛

自度度人先度我每當開卷淚沾衣

贈查翼甫兼懷范无錯仲木三君皆吾友張廉卿
門人也

鴻名峻節驚天下何止流傳絕妙文努力古人三不朽
軒眉今日一逢君英雄豈有風塵識漢宋原無畛域分
老矣尙能交國士橫渠師友是河汾

東郭孟毓舍人自日本使還

蜀人仙李

墨莊太史

使琉球滬上今逢郭細侯喜泛星

槎凌浩瀚遙從日本壯遨遊紫薇省趁春風入紅藥詩
憑海客酬欲買一樽邀月飲披襟爲我說瀛洲

天瘦閣詩半

卷四

四

徐子靜司馬屬校其先兄棣友寄生山館詩草行
將付梓謹題一律用代弁言

姜家大被期來世竇氏聯珠剩此編偏是才人偏易死
不逢知已不求憐瑤琴獨撫聲清絕錦瑟沈吟意惘然
比似池塘春草句千秋一夢共流傳

寄謝張子衡廉使 頃得吳劭之由江西離局來

書言沅甫九帥屬衡老月致廿四金佐子江寓日
用可免內顧憂感甚正無須留半以待予歸也

鐵瓶居士老維摩高卧章江暫養痾文正昔嘗推轂久
廬陵今更讀書多賢於鮑叔分金誼且免馮生彈鋏歌

一室遙知安且樂追蹤康節有行窩

贈蔡子徽仁兄

豁達襟期肆應才相逢倦眼撥雲開世推雋傑諳時務
文富波瀾主史裁玉麈偶麾談士伏金魚慣犒酒家回
期君同把錢何臂並轡春郊得得來

讀曾文正公奏議

哲人名德耐人思經世文章舉世知木壞山頽生有盡
天荒地老見無期古來相業公稱首今日戎機帝倚
誰陸贄奏疏蘇軾進宜陳乙覽備諷諭

懷陳舫仙仁兄

天瘦閣詩半

卷四

一星

竟挂歸帆日夜行驅歌嗚咽秣陵城九重必復宜同
甫一管終難掩孟明蒼狗白衣多變態赤松黃石且尋
盟幾時真踐浮湘約草綠湖南無限情

再題子靜兄觀自得齋印存

閣稱天籟館停雲觀自得齋今見君鐵畫銀鈎眞宰出
金題玉躑異香薰瘦銅幾厯紅羊劫綵筆親書白練襖
添築一樓名看篆飛鴻前後豔傳聞

和桂笙兄不寐近作

一壺救溺偶然爾百喙爭鳴將奈何皎皎易汗吾輩甚
容容之福古來多詩場鬪險疲銅鉢局棋旁觀冷斧柯

心地有魔憑佛度身材如墨耐人磨

碧玉清流與予別廿五年而再見見而再別離合
之感無日無之

三十年來續舊盟兩番分手兩心驚影孤寶鏡看無興
淚重香衾滴有聲若果再逢休再別久甘同死愴同生
後身勿復如今日高築紅牆住碧城

來去頻乘小鈿車果然仙子好樓居爲林處士梅花伴
學衛夫人薤葉書萬種牢愁憑汝遣百番觸忤不予諫
流連地有流連隊比翼鴛鴦比目魚

門垂楊柳戶臨橋兩界三年一客僑香斝因依多翡翠

天瘦閣詩半

卷四

巽

卑枝安穩懷鶴鶴玉溪生句原宗杜虞美人花倘姓姚
相約巢痕須再埽海風江雨免飄搖

淚痕一片在離襟不斷相思直到今飛絮游絲迷倚著
江鱗渚羽對浮沉金樽壽月天同醉銀燭禳星夜向深
感惠徇知何日了士夫無此愛才心

陳伯嚴孝廉近年勇於作詩去夏寄予二律如空

對黃江萬柳絲條條門巷斷腸時四愁南北思平

子滿眼鶯花領牧之及一代風流齊老輩九州傳

說是狂名等句子讀之惻然在念去冬因曾重伯

回長沙託交一書久未得復賦此寄之

文豪乃復以詩鳴語必驚人得我驚七字果然凌絕頂
九州傳說是狂名趨庭父子爲師友對酒聖賢羅濁清
貧賤久離憂戚少天將福汝玉於成

病足數月頃方小愈酬陳舫仙胡雲臺徐子靜三
君燕窩鹿茸之饋

壯勞筋骨供奔走老視官骸若槁枝伏陳凍蛟禁瑟縮
陟岵瘦馬故權奇曾爲一邑中流柱

向者暫知江西四
縣適當兵後生注
破例爲民請命上游中有忌而見譽者謂予不侮慣下
緜寡不畏強禦坐是終以交代被斥予勿悔也

千般後著棋多謝良朋投善藥燕絲鹿粉賽參著

題劍更定舊作

天瘦閣詩半

卷四

一

鑄就千將氣不馴年年相伴走風塵每因恩怨長思汝
幾見英雄肯負人一鳥下空誰敵手雙龍躍水此前身
張雷去後悲聲價寥落乾坤聽屈伸

朝鮮徐侍郎秋堂世講連年致予書頃復寄惠人

參因撰句聲謝附新排天瘦閣詩半六卷求正

星軺暫向東京駐

君去歲以全權
大臣使日本

雪爪重尋北地遙

平曾三
入皇都

書寄百回慳一面交踰卅載歷三朝近排詩草

成新卷想見梅花發舊條

君築梅花精舍藏中
國諸名家詞翰甚備

多病正

思求藥物人參拜饋折屣腰

有致書責予不往金陵見九帥者詩以答之

整軍經武耀文章江左風流未可忘昔事長公勤侍坐
今思同叔懶升堂狄門舊是英豪藪顏巷難尋歌哭場
千古九原知己一山邱華屋恨茫茫

酬邵方伯筱村世仁兄疊贈刻詩經費

驥尾青雲附後塵廿年門館侍平津郎君淮海觀風使

弟子江湖載酒入射策竟虛宣室對癸丑六月先師文
靖公閱教習卷置

菜第三謂頌
爲傳臚之兆栽花偶現宰官身歐陽叔弼蘇和仲更放

一頭詩態新

謝爾澈刺史需次粵東遠貽書幣寄酬二律

蘭臺走馬趁春風聽鼓何妨類轉蓬南海聲華冠蓋裏

天瘦閣詩牛卷四 吳

東山陶寫管絃中五雲箋待公庭判雙錯刀煩驛使通

舊雨未來新雨少無心更醉百花叢

卅年詩草半無存行篋搜刊淚暗吞大地空留鴻雪爪

終天愧負父師恩乾嘉一輩思追步文酒何時得細論

乞米兼堪償紙價不妨傾橐濟平原

有傳子噩耗耆黎蕪齋星使在日本爲予撰墓銘

此與斯伯爲子作志喜詩皆他日傳中佳事也

毀譽兼收四十年生先傳死死應傳歸心久痛田園失

庸福難專子弟賢未副顯揚孤愛日長期定省在重泉

讀書爲宰皆無補獎到詩名益惘然

止

